

幾社壬申合稿卷之十一

華亭杜騏徵 徐鳳彩 盛翼進全選

七言律詩

霞起閣即景是日立夏諸同社咸集賦詩竟

陳子龍

眾碧無心與夏期。麗譙盡入夕陽姿。細煙時上花
雙。瓣。遠。雨。常。含。日。半。規。老。竹。走。寒。穿。廢。堞。瘦。魚。飛
暑。見。荒。池。哀。時。江。表。猶。清。晏。挾。客。登。高。且。賦。詩。

寒月在池上作

李震

碧雲何處是。幽期悵望瓊樓冷。桂枝獨鶴不猜霜。
下影飛鴻欲引。月中思丹珮。輪三尺玉液能。
傾假一卮。只有鄂君餘繡被。秋琴無語夜深悲。

廢苑

朱灝

草氣難通烟不時。螢遊每怯罨塵絲。雲粧不入惟。
愁亂花目。雖存亦閉窺。衰竹罨房喧鳥默。凄苔長。
席篆蟲移。荒延病月光離。鬼蔓藥無能自植醫。

客居越州值有兵警

顧開雍

越國流離半蔽城。海州殘夜角弓鳴。觀潮使者無。

消息弄水徒兒。今事兵公等紛紛成。北寇吾行泯。
泯可南征傷心用武難為昔。一鑑西風秋樹平。

對秋月悵然愁邊塞

宋存楠

風前一葉墮。高城金井涼生伴月明。秦地河山銀。
縹緲漢家官闕玉崢嶸。千門露冷瓊花豔。萬里烟。
銷古戍平。獨立尚憐秋氣肅。天涯行役不勝情。

其二

玉門何處古涼州。鐵騎長驅說未休。羌笛漫愁青。
海月塞鴻應度白。登秋荒城匝地炊烟斷。落木關。

山。畫。角。愁。一。曲。離。歌。誰。墮。淚。游。寬。隴。木。咽。刀。頭。

同遊山莊次勒卣作

李雯

寒。日。登。山。事。近。幽。蒼。崖。携。手。暮。羈。留。孤。雲。無。侶。親。
巖。樹。壯。士。相。依。問。古。丘。望。極。不。來。雙。白。鹿。月。明。先。
入。小。紅。樓。脫。巾。醉。欲。眠。青。嶂。阮。籍。當。年。自。勝。流。

初夏

周立勳

高。雲。含。暑。散。輕。雷。平。野。茫。茫。綠。勢。迴。萬。戶。開。農。遲。
麥。壠。一。鳩。鳴。雨。過。花。隈。城。通。北。浦。春。流。盡。路。接。西。
山。暮。色。催。寂。寞。殘。紅。風。不。起。愁。看。燕。子。踏。香。來。

前題

彭賓

南。風。吹。老。豔。陽。天。緩。綠。亭。靜。綺。聯。朱。實。已。從。細。
鳥。食。葛。巾。欲。向。嫩。篁。眠。醉。鳩。獨。立。夢。桑。樹。孕。鯉。相。
飛。入。水。田。新。雨。吳。農。齊。插。種。官。家。莫。稅。青。苗。錢。

病起

李雯

病。起。急。欲。問。秋。雨。白。雲。不。合。相。離。披。亂。蟬。如。織。失。
靜。樹。渴。鳥。相。呼。來。清。池。坐。上。樽。中。竟。何。有。脫。巾。搖。
膝。空。爾。為。銅。餅。揭。水。灌。松。下。憐。汝。憔悴。生。枯。枝。

漁火

顧開雍

細雨連湖夜照紅。南屏鐘鼓下魚罾。合圍漏角低懸網。伐水隨天直射。蒨巖下柳深。星帶火船頭。風闊勢如弓。黑光豔豔人眠夕。待月登樓自遠空。

閣公彞仲宗遠勒。占臥子燕。又偉男集王默。

公書屋

宋存楠

野水蒼茫近酒家。孤洲芳嶼護蒹葭。晴雲抵暮疑兼雨。獨樹高原自落花。紫網纖鱗閒挂綠。白鷗振羽出平沙。莫遲盡醉今宵話。銀漢秋空萬里槎。

野坐

周立勳

殘雲滿地此荒丘。不盡斜陽與客愁。直北諸山來大野。近南一水入寒流。蒼涼浦樹先秋變。寂寞溪烟向晚收。獨坐未堪悲往事。鴈聲今已到秦樓。

冬至

李商隱

日下狼山只漸長。月中青女更吹霜。高樓玉笛愁無緒。小苑寒花近有香。氣煖瓊泉龍睡足。風來沙渚鴈行涼。自憐獨望滄洲外。不及葭灰一寸揚。

謝人贈牡丹

李商隱

小苑紅銷頰玉姿。清秋瑤圃更相遺。蒼烟輕籠朝

五甲合和
四
霞種銀鍾微施香睡時欲採瑤雲傳曉夢將溫羅
薦待春期知君憐我多愁癖曳雨牽波引豔思

生日偶成

陳子龍

問汝此日何高眠風吹碧梧徒自憐程生嘲客始
三伏六月一初伏鄧禹笑人已一年時予年二十有五矣擬勒文
章北海上隨將射獵南山前功名細事尚寂寂那
敢輒欲爲神仙

其二

擊劍讀書何所求壯心日日橫九州頗矜大兒孔

文舉難學小弟馬少游不欲側身老章句豈徒扶
策干諸侯閉門投轄吾家事與客且醉吳姬樓

家童稍桂予不能止也傷而賦之

李雯

蒲蒲幽香鎖翠翹竹枝深掠墮輕綃玄鸞已去空
回首丹雀飛來悵寂寥無復瓊姿憐月姊猶餘芳
思守青腰漢官欲貌夫人影蕙帳珠蕤冷碧霄

其二

何不移根天上栽紫皇玉女數能來有香自與蘭

同病無術能如櫟不才山鬼旌旗獨空翠仙人英
饌半荒苔沾衣久已承佳惠懷袖臨風不敢開

十月聞雷

彭賓

疾雷不合下霜朝况復無雲近鼓妖豈有宗君拜
殿上或驚光祿舞天驕東南赤魃寒猶縱西北黃
巾久未消不謂聖朝頻覩此欲修封事問丹青

獨立

李雯

碧天空藻敞高姿獨立丘園多所思客愧博徒無
勝身非才子有微詞論交四海將安屬託志蒼

生良自嗤文舉元龍今見否恢奇浩蕩是吾師

送方扶予入都

時為同
子博士

陳子龍

與爾常期明月居中原江左昔人悲賦詩高麗
龍語說劍蒼茫將相姿子誓每勞梁帝詔林宗當
屬漢儒師艱難莫晦安危畧大半談兵可救時

前題

周立勳

官舫踈簾進晚涼岸高徐引練花香去隨薛澱湖
光白行近燕山日氣黃詞賦激昂難寂寞才名清
切會飛揚漢家同異諸儒事歷落雄心覽大荒

前題

宋存楠

垂楊掩映繫征鞍。尊酒凄然隔浦寒。京洛弟兄傾蓋易。江南山水別離難。烟雲觸手臨風繪。桃李成蹊傍日看。從此振鱗滄海濶。金門紫鳳碧琅玕。

贈彭城萬年少

李雯

龍護沙堤螭偃碑。彤樓清館傍河湄。已為宋玉才難盡。更擅莫愁家。易知戲馬臺邊楚。日月歌風亭上漢。威儀千年伯氣今安在。併作君懷綺豔思。

送萬年少還彭城

陳子龍

飄零蠻錦濕玄霜。永夜蘭橈小帳香。冬煖鏡臺飛孔雀。月明紈扇畫鴛鴦。大江北渡吳歸客。舊楚西來漢故鄉。指點橫塘春事近。莫教愁悵鬱金堂。

約於明春納姬吳中并晤吾輩

贈龍舒方密之

李雯

知君桂檝下錢塘。贈我驪珠青玉廂。洛下玄談輔嗣少。諸劉文筆孝標長。驅車千里還求友。仗策三秋不自涼。顧盼英雄饒壯思。廬江不得有周郎。

前題

顧開雍

大雅風流事不彈。多君千里共盤桓。和南未詔書名重。天子同時賦草寒。今日瑋璋盡東海。應知明月掌龍巒。夜深四顧高星斗。指點能人路已漫。

遇桐城方密之於湖上歸復相訪贈之以詩

陳子龍

小雨烟波碧可憐。殘荷衰柳各娟娟。才人南國皆紈扇。軼女西陵怨翠鈿。秋病扁舟能望氣。夜寒古廟半談天。蘇來江表論兵者。大抵風流似晉年。

其二

仙才寂寞兩悠悠。文苑荒涼盡古丘。漢體昔年稱北地。楚風今日滿南州。時多作竟陵體可成雅樂張瑤海。且剩微辭戲玉樓。頗厭人間枯槁句。裁雲剪月畫三秋。

送勒卣之金陵

陳子龍

憶得秦淮舊酒樓。無端不見又三秋。當年輕薄誇官體。此度淒清滿石頭。白羽新軍懷楚練。時金陵新立黃雲俠客動吳鉤。即今天地多兵甲。勿向城西問莫愁。

其二

十二城頭江更寒。君遊此月動波瀾。芙蓉子夜倡樓迴。鴻鴈商秋古殿殘。海內於今嗟鳳隱。眼中誰是識龍蟠。生平寂寞孫劉輩。空老周郎強自寬。

其三

南朝子弟每論兵。獨吐為儒風調輕。吾輩近交吳劍客。君今仍作魯諸生。鳳臺夜色雲中缺。烏榜晨光柳外明。儻過東山思舊隱。永嘉烽火政縱橫。勸

入太學故有諸生之句時温州有盜警

其四

勿將禮數問朱軒。更有風流暗歎魂。且譜紅絃艷南國。可傳白紵到中原。湖名玄武開滇水。山號盧龍像薊門。漢室公卿愁散地。無心挾策莫輕論。

送周王子入南國學李平雯

秋濤如洗千峰色。別艇時開雙鴈來。猶有儒冠行不壯。况聞飛檄意方猜。石城嚴折涼風落。烏巷寒砧暮角催。江左風流應未盡。莫辭樽酒自徘徊。

其二

我生不識金陵道。君復倦遊思惘然。更着青衫拜孔子。羞携長劍向江天。雲辭東府懷歌扇。荷折西洲不採蓮。秋氣滿天鼙鼓亂。昆明當見習樓船。

送董子北游

顧開雍

秋約吳江萬木清。送君蕭颯理縱橫。十年遼海要鈞學。九日燕臺論劍名。投策解環虛掌右。探圖入穴飲竒兵。書生賦草能當虜。得似驅羊薄紫宮。

贈轉運崔使君

陳子龍

閩嶠青霞天外開。陸離珠珮照樓臺。賦才新益熬

波句。博物應知貢。珀來南楚。魁魁歸傲吏。東吳賓客擁竒材。明時莫上輪邊策。轉運猶無中使催。

為徠西挽內人二首

李雯

連枝繡帳不成難。珠柱無聲玉漏殘。翡翠簾隨霜月曉。茱萸匣近碧燈寒。可憐交甫懷空珮。不信秦嬴騎獨鸞。烟海沉沉瑤岸遠。難夢草間珊瑚。

其二

羽騎高飛絳節飄。朱顏不住此逍遙。獼猴猶弄金鈴簇。鸚鵡仍綠銀蒜條。初擬紅珠圓夜夜。誰言碧

樹冷朝朝玉卮自向雲中去。空鎖歲華惜步搖。

橫山阻風

李雯

山棲不耐又驚風。催日崩雲夕望中。石落盡從飛
葉下。凌生不許釣竿通。居人拾草椒巖際。饑獸叢
毛蘆笛宮。不是良朋深接膝。難篝寒火聽歸鴻。

前題

周立勳

空山絕壁見蒼苔。朱閣斜臨石勢迴。龍虎尚餘荒
井氣。荆榛無復野雲哀。停杯問字成今古。杖策尋
高屨。去來渡口危橋風浪促。小橋寒月共徘徊。

干山澗中

夏允彝

暗綠資山畫不明。水痕初沒荻無聲。雲能覆岸鷗
衣煖。竹肯携暉鳥夢輕。汲女收瓶羞斷綆。漁兒踏
鯉貫花莖。春橋此曲多風樂。別有傷心問濯纓。

小渡春申浦

浪捲柔蕪感岸回。海天何處見蓬萊。孤城帶雨沉
飛閣。別浦連雲擁戍臺。可有宓妃乘水戲。能無賈
傅托文哀。灘空日夜潮聲急。幾向春申墓上來。

五言絕句

少年

李雯

玉面青絲。金彈畫寶弓。朝來灞澹上。逐處是春風。

其二

小小狹邪遊。官袍掛玉樓。生從豹尾貴。不尚郵支頭。

大堤女

李雯

腰插青柳枝。手持白接羅。撇波下江去。知是誰家兒。

其二

烟艇曳紅霞。芙蓉濕素沙。鳴笳落蘋渚。瀟瀟不成家。

其三

紫絲持作障。火浣裁為襦。卽贈琥珀枕。妾投袜給珠。

其四

春風宕無力。大堤羅襪多。如何繫錦纜。故使玉鈎過。

綠墀怨

李雯

開。桐露滴不去。秋塵掃不來。雲屏明夜冷。難向玉階

其二

通。香殿芳菲滿。金鋪射日紅。東風吹碾砌。只有鳳車

雪後

周立勳

霜。碧野開殘徑。鱗鱗露淺塘。月寒光不起。鴈度莫催

擬豔

彭賓

年。山眉漾鏡水。紅鵝喚絳仙。瓊雪潤花肺。醉粧忘夕

其二

膩。珊骨浴晶盤。交龍覆作被。雲漿濕夜荷。員嶠石焚

其三

織。慵倚虹霓屏。饑供芙蓉食。薰塵滯紅雨。鬪鳳成心

古怨詞

陳子龍

向夕新妝竟憑欄不自持春風未相識猶向桃花吹

其二

深 瑶琴妾曾理不解是傷心今日難為別知他哀怨

其三

期 秋心抱明月相望夜深時却羨沉西海清光待後

七言絕句

柳枝詞

陳子龍

朝元閣下障生綃。宮女留春挽細腰。妙舞新傳回鶻隊。紅燈碧月鬪清宵。

其二

吳閭蕩雨濕三眠。玉腕紅綃染麗川。貪看黃鶯聲顫處。水紋溫膩落金鈿。

其三

烟肥小院護春嬌。淡引西陵風雨條。紅罨薔薇鸚

三
日
合
和
十三
鷓鴣睡倩人驚醒更吹簫

其四

春風約束甚無名。歲歲腰肢別樣情。何事永豐新
唱後。妖鬟十五倚身輕。

前題

顧開雍

隔巷迴車日氣芬。女兒停鞞辨香醞。一笑不來紅
墮地。儂家偏學少殷勤。

其二

江頭桃花落水多。山邊青雀飛青攤。小鬟煖客不

肯佳。教卽蹉跎馬上歌。

其三

牆上草高風蚤來。儂家日出門未開。但恐東風吹
歡手。揚鞭多方不能回。

其四

蕩漿輕羅薄薄颺。與歡相失在南塘。水深蓮子不
得採。攀荷縫作歡秋裳。

其五

儂上鞦韆出短墻。歡驕紫騮金埒長。旁人見儂相

側力不知歡是誰家郎

前題

周立勳

門前楊柳散高樓。小得春風縮別愁。少婦藏羞窺不語。輕柔時上玉搔頭。

其二

豐條漾態不辭勞。密葉通香可自遭。買得閨中愁意緒。夜深未遣月痕高。

其三

吳閨宮館舊胭脂。小雨飛花滿地悲。惆悵東家荒

夜。別猶將歌舞問西施。

其四

弱縷承風萬綠寒。玉釵斜落鬢雲寬。即今拾得輕相問。為結同心擲與看。

其五

上青門外可憐時。流亂輕絲不自持。猶記芝生殿裏曲。落花如霧浴芳枝。

前題

夏允彞

遊絲風軟怯春歸。輕袖殷勤漏落暉。丁香絲斷將

離茂。難結君心空掩關。

前題

宋存標

路生芳草意生苗。夢到江南第幾橋。折却柳絲繫
即臂。不容花底學吹簫。

其二

柔風拂柳吐蘭芽。香陣難回舞袖遮。明月亦知人
愛煖。滿天飛絮罩烟霞。

其三

柳腰一束落花輕。放盡春風柳眼明。却怪閨中無

好夢。偏尋綠樹打黃鶯。

前題

宋存楠

覆額妖鬟擁翠翹。瑤臺仙子着輕綃。玉關明月愁
眉斂。渭水春風鬪細腰。

其二

飛花撲絮自然深。變化浮萍豈易尋。寄語莫栽楊
柳樹。天涯若箇不關心。

其三

百樣嬌癡一種勻。生憎情性獨懷春。非烟非霧拖

金縷如畫如花罩玉人

其四

垂絲拗作珊瑚用。葉葉斜穿珠箔彈。不道深閨更多事。折來還比翠琅玕。

前題

李雯

高樓十丈鎖金鈎。妬却春風吹柳開。無數枝條柔似我。黃鸝偷弄去還來。

其二

紫陌森森柳自長。臨池又欲覆鴛鴦。長條縱有千

尋綠。莫繫襄陽錦兩襦。

其三

斷却青絲踐馬蹄。狂花不得舞東西。猶憐修葉愁眉似。啼露愁烟傍小閨。

其四

芙蓉葉嫩水萍滋。云是垂楊花所為。老去春條不堪剪。何當玉笛又頻吹。

野驛

顧開雍

北人滌酒問南人。明月如沙共此塵。獨有驛頭楊

柳怨。青青猶。旁客爲春。

前題

周立勳

大堤。落日白。荒荒。驅馬憑車。寶劍裝欲向驛亭傳。使節寒烟。衰柳閉長廊。

前題

陳子龍

微陽。倒映舊紅。楣禾黍。荒庭沒斷碑。何忍更從衰。亂說太平。使者不威儀。

前題

夏允彝

荒烟漠漠。大堤黃。古木淒迷。閉使廊。亟下勸農寬。

大詔。輶車初息。綠林張。

前題

徐孚遠

荒亭寂寂。草俗綿。江笛風烟欲暮天。却怪中郎持節。寵傳騶常費大農錢。

前題

朱下瀨

騎布殘。曛風剪。青驛樓。資暮滯。流螢諸峰相去雲。傳置樹外。孤猿喚客星。

前題

宋存楠

官廨傾頽。挂薜蘿。勞人太息此經過。炊烟馬跡今。

何處省得金錢盜賊多。

西湖漫興

顧開雍

畫閣涵波曉綠平。秋山如夢鏡初明。楚烟舊雨香消語。便下秦樓第幾聲。

前題

陳子龍

日暮湖光雜素秋。淡烟遙接小紅樓。一雙鴻鵠荷花雨。畫槳驚飛人更愁。

其二

日有湖山歡上客。不知歌舞老何人。惟留堤畔千

條柳。常對秋風泣鬼神。

其三

朱樓山半綺窓虛。疑是層城碧玉居。暝鳥投烟去將盡。憑誰消息數行書。

其四

蟲怨秋山萬木空。漁燈明滅小亭紅。焚香永夜愁難夢。人在西陵風雨中。

其五

碧水當沉萬古情。香魂寂寞去邊明。烟波小艇南

屏下入暮子規啼數聲

其六

玉津園畔曉殘鐘。宋帝當年葬玉容。化作滿湖紅
菡萏。枝枝常背北高峯。

其七

荒墳秋草雨方深。蘇小虛無已至今。疑是孤山有
高士。西陵不許結同心。

其八

渺渺蒼烟天政涼。人言此水似瀟湘。本無雲雨晴

湖在宋玉微辭不可當

其九

白馬嘶烟秋更驕。紫薇花下少年邀。知他醉寤青
娥館。又夢錢塘第幾橋。

其十

當時風月未全銷。草爛臙脂蝕翠翹。移得秦樓名
更好。誰人解弄鳳凰簫。

前題

周立勳

平湖初漲綠如天。荒草無情不記年。猶有當時歌

舞地西陵烟雨麗人船

葛嶺

傳為賈平章別墅

陳子龍

楚城吳地十年急。妙舞清歌一日閒。憶得當年遊俠客。爭言江左謝東山。

秋曉

顧開雍

夜露無聲啼寒竹。酸風射地秋堦紅。蕭蕭欲回鑑湖夢。愁殺錢塘東復東。

其二

星氣初高。五更簾櫳如水。不成明枕上鄉關。一

片遠雞鳴。別自海中聲。

秋寺

顧開雍

黃葉羅門一徑深。犬鈴號月冷銅燐。到來久住如家舍。客夜方知江外身。

錫山即事

陳子龍

小艇高檣烟有無。江南十月下群烏。寒流頽澹何情思。猶是紛紛入五湖。

其二

迢迢驛路盡寒聲。曲曲山樓似碧城。蕩口酒清人

易醒五更無夢厭分明

其三

寒江寒日共徘徊。烟凍山成碧玉堆。山外何人更
愁絕。青搖萬頃獨登臺。

前題

徐孚遠

十月河流白似霜。疎林蕭瑟掛高牆。客舟日暮愁
雲合。不遣棲鳥帶夕陽。

吳閶口號

陳子龍

衰柳寒鴉天四垂。嚴霜織月滯歸期。已無茂苑千

金笑。不許傷春有所思。

其二

無賴三更酒醒時。朝朝曲巷候佳期。將疑翠水人
難見。不信君家誠易知。

其三

鳳紙魚箋未曉裁。豈知詞賦是良媒。非關班女文
章盡。奉倩繇來不愛才。

其四

那當非雨復非烟。沉綠肥紅障暮天。側首但憐金

三
甲
合
和
二十
二
小
舞
堂
菡萏潘家止有步生蓮

其五

遠○視○紅○酣○濫○濫○扶○近○看○無○復○掌○中○娛○楚○生○宮○裏○原○
難○入○檢○點○腰○肢○必○減○厨○

其六

金○陵○軼○女○小○鬟○歆○北○里○笙○歌○事○事○宜○借○得○夏○條○衣○
四○障○教○人○不○敢○問○容○姿○

其七

萬○子○風○流○自○不○群○盧○家○織○錦○已○紛○紜○可○憐○宋○玉○方○

愁○絕○徒○爲○襄○王○賦○楚○雲○

萬子謂年少也

其八

何○妨○放○誕○太○多○情○已○幸○會○無○國○可○傾○却○信○五○湖○西○
子○去○春○風○空○滿○闔○閭○城○

其九

傳○聞○夜○醮○蔡○經○家○能○降○乘○鸞○萼○綠○華○莫○似○紅○顏○同○
易○散○館○娃○宮○外○盡○烟○霞○

其十

各○有○傷○心○兩○未○知○嘗○疑○玉○女○不○相○思○芝○田○館○裏○應○

愁。悵。枉。恨。明。珠。入。夢。遲。

秋月

彭賓

清。月。依。微。見。客。寒。吳。心。越。夕。雨。漫。漫。此。來。亦。欲。尋。秋。事。却。旁。松。稜。倚。桂。圓。

舟行即事

顧開雍

黃。日。如。雲。午。未。開。平。沙。淡。柳。接。滌。洄。無。端。遂。與。寒。潮。曲。天。北。天。南。一。鴈。來。

其二

澹。黯。中。流。自。不。平。斷。橋。獨。樹。與。縱。橫。分。明。定。有。登。

約。一。片。泉。聲。天。外。清。

薄暮入惠山

顧開雍

寒。霞。漠。漠。足。陰。岡。松。子。無。風。下。井。牀。落。日。體。輕。懸。杖。履。百。年。愁。殺。五。湖。糧。

其二

曲。澗。殘。陽。斷。不。流。舊。時。池。館。委。山。丘。於。今。霜。露。成。珠。弄。夜。夜。龍。鱗。泣。墜。樓。香。幾。回。重。關。自。對。燕。子。愁。

贈澹雲王較書

周立勳

小。閣。初。陰。雨。未。真。衣。香。不。散。蝶。羅。新。極。知。君。意。輕。

三句合稱
二十四
歌扇自採寒花故贈人

碧海

周立勳

碧海蓬山事已遠。紫蘭香爇隔重關。自憐燕子樓中月。不及朝雲暮暮歸。

穆天子

徐孚遠

飛瓊歌舞白雲端。萬里明霞戴勝冠。誰道楊家殿脚少。江都一幸不回鑾。

潮吳客

彭賓

野雲搖曳任風吹。欲倚南枝更北枝。白鷺他從霜

上宿鴛鴦入夢亦堪疑

斬蛇劍

徐孚遠

菱光三尺起秋風。斬取秦關百二中。却憶當年解佩力。未央卮酒復新豐。

夜泊

顧開雍

客逢蕩口酒潺湲。暗碧成聲下玉泉。夜半松柯嘯山。懸孤舟白月冷嬋娟。

游墅

顧開雍

嚴關木葉蚤風吹。大舶雞鳴欲過遲。關吏盛呼傳

乘使大農不比奉園時

其二

控引江湖日夜長。江南米熟不須防。一君王自是勤。荏澤却得金錢罷入羊。

其三

公卿絕問賈人居。漢法無心亦慎初。料得武皇雄逐虜。年年算口不勝書。

其四

巴賓越罽總秋毫。少府緡錢亦告勞。向使扶風買

牛種。大夫應悔辨錐刀。

許墅竹枝詞

王元玄

女兒家住大橋陽。碧柳毵毵覆曲廊。記得三年春漲處。別即似水不會量。

其二

花落月明能見即。匆匆何事少心腸。即家自慣雞鳴去。不為儂分夢裏霜。

宮詞

夏允彝

楊柳陰森鎖液池。沉沉歌吹落重岬。遙傳天子憂

勤甚行樂官中杳未窺

其二

盛德能焚甲乙帳。長門賦不費金錢。君王遠色高。千古恩澤何妨田寶專。

其三

擁翠亭前弄小晴。忽聞飛騎遠崢嶸。才人八子咸回首。阿監於今方盛榮。

前題

朱瀨

長門烟閉玉衣深。冷月能傳燈火心。花棄不留。

舞地流鶯猶作望春吟

其二

碧宮早鎖不情春。獨夜風眠翠被塵。紅袖集欄香夢散。山青空淑畫眉辰。

前題

李雯

桂殿沉沉宮漏長。五明扇影耀瓊瑤。玉函不復關封事。素手閒垂倚御床。

其二

葡萄苜蓿上林中。花氣遙聞長樂宮。自是君王遊

樂少內家何處獨當熊

其三

金戟雕弓繡畫裝。催來馳射獵長楊。官中自有材官客。邊騎紛紛大劇忙。

其四

紫微深禁近隣天。鐘鼓遙傳隔細烟。惟有中書對便殿。近來時過五花磚。

其五

御勅官中頒綵絲。接來爭作繡麟旗。軍容將出明

宸賜天策神威絕。塞知

偶憶

周立勳

小窻殘雪照孤帷。此夜佳人舊有詞。言及寶釵分散日。暗垂雙玉枕。先知

其二

秋娘朱粉不勞施。錦幕初開夜雨時。共說傷心無限恨。小庭芳草碧參差。

其三

藤蕪亦自解相思。永夜歌殘細語悲。渡口風流桃

寒冷紅顏啼裏一時虧

其四

抱瑟悲涼已自疑。展展屈曲障紗幮。黃金費盡歌
眉歛。香玉新來體自知。

擬豔

顧闳雍

碧玉綃頭拖錦鞞。日出蕩蕩珊瑚明。當窓蜀絃凝
紫雲。梨花不來鎖寒聲。

其二

龜甲屏風小山曲。芳蘭欲笑茱萸紅。勞勞胡鷺未

風醉蕙帳晝眠人。惱官官

其三

瀟湘碧雲洛浦雨。海客酒寒面如土。哀歌頽入銀
沙路。清廓無聲怨畫鼓。

壬申文選卷之十 終

風軻蕙對舊知入斷宮宮
其
三
蘇
爾
無
雲
咨
鬱
雨
新
容
漸
寒
面
吹
土
哀
絕
聽
人
歎

幾社壬申合稿卷之十二

華亭杜騏徵

徐鳳彩

盛翼進全選

序

皇明同姓諸侯王年表敘

陳子龍

嗚呼廢興強弱之際。曷嘗不繇世變哉。自古帝王之興。莫不廣樹同姓。引布宗賢。地或不滿百里。位或不過子男。皆欲其藩屏大宗。夾輔王室。立國之利。在乎此也。至於後世。服亞至尊。號寵大國。然而貌隆情奪。體尊勢去。豈欲其上。佐天子。安治元元。

稱盤石之宗哉。甘園牢之養恣。後庭之樂坐守園。廟貴隱官府。不爲吾害足矣。夫昔之建侯求其利。今之置王畏其害。何則。機變旣繁。猜情日急。往事多戒。而後防益深也。周秦之事。前史詳矣。漢家統千里之封。晉室擅三軍之勢。而七國合逆。八王遮。凶原其喪亂。起於無制。六季因襲。稍假事權。然而上宰鮮周邵之忠。方伯失桓文之節。故親踈迥異。疑忌橫生。幼子在閣。遙領雄鎮。壯王撫郡。權制典。籤至于骨肉相怨。肺腑摧裂。唐宋以來。更酌時宜。

親近則虛崇名號。開邸京師。旣鮮踰條。亦無重任。然東府棘埋於賊。臣南街羊驅於酋。虜誠知制治之長策。非扶衰之要道也。惟疎遠族屬。令與庶士同升。雖爲宰相公孤。不之引避。斯爲大公。其足法矣。明興。高皇帝以海內殷遠。天下新定。卽位之三年。大封諸子以鎮撫之。十三年復封。凡二十餘國。當此之時。諸王皆親。高帝子。或從。帝定天下。無不有帝制心。雖跨州連邑。與漢不侔。而厚壅資財。盛設兵衛。從橫之資具矣。莫不冕旒透蛇。

龍章繽紛護衛皆騰健之徒官屬有精采之士庶
子子侯尚王支郡上公丞相拜伏下塵儼然一國
主焉至於建文君之時緣飾太平隙開諸叔鼂錯
之謀益亟田叔之火無聞縛以裨將幽之請室
文皇帝積不堪之心藉可乘之業奮兵北平奄有
天物嗣是而後虛禮攸崇昔權益脫夫既以此而
得國卽以此而疑人人情不其然歟故漢踵燕山
之跡寧乘國統之虛而山東與觀江表焚舟良繇
勢弱形廢所憑非勝也至今支系日繁祿請難繼

秦蜀雄藩僅如富室周楚困宗奉同氓隸荒亭廢
館卽是梁園左官府儒便爲枚叟老監傳奉疲兵
衛門戢茨宇而爲宮缺楔梁而稱膳婚嫁失期喪
葬無禮觀其搖落良可浩嘆故王孫帝胄厭朱祓
之滯身美白屋之自便近雖小變令甲得通仕宦
而宗學不設應舉無異齊民故禁猶存假官尙阻
清要可謂拘牽矣夫親旣可疑疎又何恃論其常
法亦有重輕向使朱虛不奮文帝安從代來瑯琊
不立典午已湮江外故唐家宰相不禁隴西宋室

平章多繇天水時賴宗臣未見內禍也况乎厭逼
 則上愈孤替近則權遠寄故卯金藩弱沙麓妖興
 當塗宗衰石圖兆篡即今朝聘永絕功烈不聞讀
 子政發憤之章覽陳思求通之表伊可懷也今紀
 高帝以來著千篇夫二百餘年之間不可謂無能
 者而寂寥恧焉觀者有以慨矣作同姓諸侯王表

前題

李雯

自古帝王開跡爰樹宗姓羸秦而降情寄不同然
 亦何不崇其榮號旌厥殊體者乎夫天下之勢隆

通。汰。汰。過。以。刻。匪。他。之。誠。非。絕。黃。屋。之。下。履。虎
 之。畏。何。止。本。枝。之。橫。而。踵。變。生。防。慮。周。情。殺。吹。壘
 之。意。蓋。多。見。之。于。前。事。矣。若。夫。七。國。駢。謀。八。王。互
 刃。通。金。錢。壺。死。士。握。威。弧。叩。帝。座。睚。眦。顧。盼。天。業
 動。撓。自。中。智。以。下。又。安。得。不。思。其。裁。乎。吾
 太。祖。皇。帝。奮。徒。步。制。九。域。卽。位。之。初。豈。本。是。營。朱
 邸。大。門。僅。亞。天。關。衛。兵。數。萬。良。牧。千。駟。私。養。蕃。畜
 又。不。可。勝。計。內。鎮。奸。人。之。謀。外。截。戎。馬。之。足。祿。賜
 問。遺。數。以。大。萬。颯。銳。之。氣。略。小。郡。縣。當。是。之。時。業

新氣孤。則封植之圖廣。卽太祖之意未欲誦之
于諸侯也。高皇帝崩。太孫卽位。群叔挾開章
之謀。朝廷乏主。父之算。動躁變起。而文皇用興。
大業旣就。則猜畏之慮。亦頗相深矣。雖太祖諸
王。狃于自擅。見事旣大。未循厥軌。然藩力之削。自
此其始也。高照怙往寵。發狂狡。欲據安樂之城。以
擬燕山之跡。宣王用駕戎車而轢之。不接鋒而
已。繫矣。自是之後。崇禮優爵。不乏于時。然疲卒守
其空衛。廢奄侍于深宮。冠遠遊服。龍章鏗。恭鍾美。

侏儒食租衣稅。親疎同體。龍旂弧韜。絕跡應門之
外。叔父元弟。不聞家人之禮。璽紱有加。萬里望闕。
若乃循行東平之邸。燕喜花萼之樓。跡事非云。遠
古而大禮所格。豈有望乎。截覬覦之心。鮮憑恃之
具。雖以武皇之播縱。而寘鑄滅其鳴聲。宸濠折
其螳斧。豈非勢削所重。一呼而蹶哉。今夫緇衣巷
伯。天子之宮奴。金吾羽林。誰何之儼卒。方其憑托
雲霧。自謂肺腑。則天下之人。仰顏候塵。自顧弗如
矣。至于九旂降龍。飛輅曲蓋。人主之所尊。異舉足

左○右○則○一○命○之○吏○得○而○屹○倚○之○故○用○之○則○秋○霜○棄○
之○則○檻○羊○奚○必○平○流○之○士○致○嘆○於○虎○鼠○哉○然○而○豐○
體○榮○軀○鮮○與○權○軸○兔○園○雖○開○靡○接○詭○勝○之○客○黃○閣○
不○建○無○與○班○鐵○之○爭○枝○附○殷○繁○保○享○天○秩○亦○賴○之○
于○是○也○若○復○去○拘○格○別○才○賢○立○宗○師○厲○風○軌○輻○湊○
並○進○登○翼○宗○朝○天○子○又○奚○必○占○占○于○斗○粟○東○帛○之○
間○哉○守○其○小○制○用○廣○周○澤○竭○天○下○以○奉○之○猶○不○給○
也○

前題

徐子遠

夫○開○圖○御○宇○控○制○殷○遙○莫○不○割○綴○天○宗○用○示○強○擅○
維○安○樹○蘖○隆○猜○無○替○者○也○然○而○崇○抑○靡○常○奢○儉○繇○
勢○畧○可○得○而○言○焉○原○夫○身○撫○奄○宅○有○賴○繁○支○杖○衆○
難○拔○此○廢○彼○興○天○物○在○懷○不○出○一○姓○時○方○外○厭○國○
權○未○繇○內○維○家○難○也○盤○宗○已○據○防○檢○未○篤○向○之○強○
本○或○爲○亂○階○爨○以○寵○彰○患○繇○地○結○斯○理○有○不○兼○者○
矣○至○于○雕○物○改○歲○統○幽○絃○絕○春○陵○故○侯○符○當○四○火○
安○東○小○號○讖○成○一○龍○蓋○地○投○足○普○天○假○手○亦○賴○之○
於○英○賢○也○推○秦○氏○孤○立○之○敝○迹○漢○人○矯○枉○之○失○長○

短相補非變可詳繇是而降代有通規皇輿東播
作鎮維揚總揆分陝罕寄素族配以文武資其寔
力○白○板○所○署○妙○盡○時○英○黃○閣○既○開○還○成○齧○齒○然○或
見○忌○上○流○側○目○東○府○猜○阻○方○深○而○事○任○彌○往○興○廢
之○議○開○於○時○矣○有○唐○迄○於○宋○室○咸○皆○階○緣○日○月○不
關○輕○重○寵○分○皇○氣○資○給○徒○仰○於○綿○錢○號○優○國○主○錫
履○不○出○於○省○闈○推○恩○無○可○憚○之○嫌○沒○地○非○益○莫○之
實○以○時○推○遷○便○繁○朝○貴○斯○蓋○平○世○之○准○則○也○深○明
終始總其要歸通塞之際有二而已若乃分區連

勢必資望實南臨瓜步則彭城受圍北拒苾山則
蘭陵入陣事要相傾莫得替也曩使天下一家諸
侯文服歸重京師物不二望皇枝分邸單門平進
地親勢疎禮厚事隔其亦然矣吾太祖高皇帝
激揚絕道光奠成夏大啟諸王之國匝于三垂車
服不制擬于當璧材官爲衛已足成軍豈止插貂
增飾佩號示寵而已哉當其開邸應徐絕揖讓之
儀迨乎受脤青病列校尉之幕士民習其尊貴威
名讐於鬼區故能使邊隅清蕩明德震耀者也既

而世嫡受終。國隙方構。流言三年。群叔以之阻刃。削地一制。關東於以連兵。成祖文皇帝杖雄圖。而舉事執長策。而推亡天之所與。名斯為順。遂乃釋羈囚。而服龍章。築廢館。而開粉社。親親之義。篤于是矣。然而反情觀我。非常是懼。家無耦國。始曰能安。由是優以大藩。不親民事。宿衛終足。非復曩時。漢藩愛子。置之散地。動卽成禽。不淹旬朔。蓋遺謀之效也。自後上谷。張江右。豨突畔者。再起旋用。誅夷豈非積戾約之反道。易勢萬不一幸者哉。

網亦密矣。制遂定焉。遂乃朝請無期。几杖數賜。諸王第宅不列。曲江侯國車徒未繇。灞上城陽慷慨。遂辭長樂之宮。東平眷懷終還。驃騎之號。至於才謝。鄒枚翩翩入室。年踰申固。瞻瞻來賓。勢去必疎。往而不返者也。然而國寵多于前世。吏議寬於在昔。支子畢王。無待推恩。名爵上來。優以屬籍。自非滔天作釁。長戟叩闕。莫不假以寬科。延祚不絕。若夫闇昧。度詞枉誣。單引飾虛。證寔嬰累。失社如西京之禍。敗未之聞也。顧英姿沒於帷房。茂績委之

國服優游盡齒無所奮厲斯陳思之所抑揚矣今
雖通以資次與卑寒雜舉然猶恨以外吏格以當
途至如高議雲臺之上讐校石渠之下方諸昔賢
猶爲劣焉

高帝功臣年表序

陳子龍

原夫帝王之興元功俊佐可得而知也推其始終
莫不有故焉三代醇風咸保厥祚炎漢而後隆替
隨時雖云仁猜異德亦繇時勢也漢高布衣起事
俱受楚封比之英彭勢如並王後以浸微托身意

帝制乃其宿心裂郡本爲固有惟韓王立
將號稱特達然平齊之後隱若敵國若云心
齊誠有間然世祖宗英奮跡群策景從名爵向托
本朝發縱多繇天授非有遙制之功羈縻之迹也
故稽敵論功則秦項爲烈推恩審寄則中興易全
世儒不察猥云二祖優劣亦已過矣明興高
皇帝無尺寸之資諸將皆起徒步莫不并志一力
艱難盡瘁或繫身肺腑之間或生長子姓之列不
獨資以摧敵蓋將托之機務豈有侯王之號招徠

以就權宜。馳驅之勢。搖足而分。強弱哉。是以鱗翼
一奮。帶礪成文。景風再頒。貂蟬滿坐。比之于古。斯
爲盛焉。獨于天下已定。諸徹侯。解釋殷煩。優游朝
請。胡藍株累。醢廢綿聯。至今二百餘年之間。非有
大變革也。佐命之臣。播落將盡。嗚呼。事遠情易。寔
去名危。意恃乎曩勳。道違於來主。揆之往昔。輒此
之繇。昭代諸侯。惟長興見嫌於靖難。李吳坐法于
新朝。餘者皆手自誅夷。及身絕繼。此何故也。夫胡
相險逼。幾震乘輿。涼國輕悖。謀危社稷。嬰童知其

必敗。婦女爲之寒心。諸宿將英姿消歇。沒齒爲期。
又復何求。白頭從逆。且建勳方面。豈不深幾參謀。
幃幄何其易昧。慶卿劍成能使武陽裂。士蒯通利
口欲令蕭曹鼎足。苟非大愚。知爲妖罔。至于死給
東園後胤。不立生逃。西市追論。更嚴將無。亟銷鋒
之心。畧帷蓋之義。耶不曰。猜情當爲。睿算矣。豈以
太孫文儒。諸藩盛強。怏怏非少主之臣。洵洵成負
隅之勢乎。假令齊兵西指。絳侯不和。蜀寇東躡。越
公小挫。外稱義師。內將挾主。必至勢分。列國權歸。

霸朝難爲全矣。故忍斷臂之痛。爲當戶之鋤。在彼
在此。吾無憂也。或云。高帝春秋高。諸王咸有非
常之望。故廣布流言。傾危宿頑。理或有之。非所敢
論。獨以承平清宴。多歷歲年。則開物定基。功非眇
細。雖十世其可宥。覩九原以誰歸。撫陵園而思股
肱。臨山河而憑血食。取賈高勲。徒在雲臺之上。房
杜後人。無復夏畦之祭。而監儒俗吏。于國家無
毫髮之功。折枝之力。而坐擁高位。或世其家者。纍
纍也可勝道哉。嗚呼。晉還宣孟之封。惡名可洗。漢

守信陵之塚。異代且然。何況盛朝。兼之懋績。記人
之過。忘人之功。乃嘉靖六王繼絕。恩未溥。周近日
韓胤。上書辭多舛。誕禮官見今爵之太崇。忘昔功
之甚大。遲疑惹惑。不亦宜乎。

前題

夏允彝

真主代奮。俊佐景從。豈不休歟。徒步負販。崇身倫
徹。朴理之雄。聿爲侯王。若夫險夷異蹟。隆替異酬。
宏福異慮。亦各際時殊也。封建之隆。臣主賓賓。傳
胤數百。暨其衰凌。末大傾本。于是秦漢而降。爵稱

稽古。咫尺壤靡。擯故當夫。貔虎翕從。篲天雷野。天下之雄。茂獲抗焉。暨其功成。弁纓冒體。尺詔夕聞。肉骨坐醢。豈盡主有餘。猜葵足迷。衛亦所繇。之勢然哉。其所用締。固人主。唯夫均好。布衣偕拔。險難昔歡。難墜當扼。用矜云爾。然天子起。徒步。創自漢高。嚴誅族刈。未覩寬稽。後世稱爲少恩。則奚待數傳之餘。故侶難。濟于崇巖。鴻功日隳。于罔密也。高皇帝起。淮甸滌胡腥。而冠袵之。豈有前藉哉。高皇帝數詔天下。未嘗不曰。我諸臣力當其時。河

山載起。丹圭永誓。儀惠飭優。漑及昆裔。蓋一封而公者六。侯者二十八。載封而公者四。侯者二十一。伯者二。無德不讐。豈有恧歟。藍胡繼僨。黃鉞數下。旨酒婁封。宋穎飲血。卒其所繇。蓋戾。豈咸得而昭覲哉。夫紛亂之時。話言肆。尤聲。顏兆險。臣猶知之。君何能忘。固非懸之後。來所得而測也。若以業新。勢比猜隙。所繇故。漢高同轍。則運會所泊。豈容齊致。與備其回。慮周防務。芟屈強。則武臣實梗。文吏良安。大帥是夷。禪佐奚隙。漢高之世。英彭屠裂。蕭

張○白○首○淮○陰○旣○剪○絳○灌○咸○安○良○有○以○也○高皇帝
優○中○山○而○刈○韓○國○鄂○曹○衛○信○崑○軍○罔○猜○而○吉○安○江
夏○臨○川○靖○寧○之○屬○跳○盪○力○闖○之○士○耳○其○才○乃○不○及
靳○傳○駢○戮○不○少○赦○何○哉○隙○繇○駘○駘○故○戾○以○織○滋○忍○辱
跨○下○之○賢○猶○以○不○學○道○貽○譏○况○乞○乞○者○乎○然○而○元
良○中○折○嗣○孫○仁○荏○穢○夷○之○濫○或○亦○有○繇○漢○元○兆○衰○
宣○帝○蚤○晰○遜○國○大○釁○寧○渺○先○徵○唯○夫○戚○歸○同○氣○彼
此○等○恤○乃○或○任○之○若○蜂○目○在○側○狼○心○未○繼○孰○視○留
殆○仁○則○婦○人○聖○人○不○爲○此○矣○嗚○呼○漢○之○元○功○後○元

靡○子○自○宣○迄○成○卹○問○綢○加○耐○金○薄○故○褫○爵○盈○朝○失
侯○感○奮○益○勵○武○節○人○主○所○繇○立○亡○敦○恕○操○縱○功○名
之○士○術○有○繇○也○若○五○王○詔○封○布○章○終○遯○金○吾○愈○萬
三○等○絕○睨○豈○所○以○彰○厚○德○尋○帶○礪○鼓○桓○桓○乎○循○肇
兆○之○迹○簡○拔○尤○功○並○厲○死○節○勸○武○之○朝○所○尤○亟○爾
若○彼○諸○臣○幸○際○真○主○器○能○奮○露○緒○胤○雖○零○亦○何○恨
與○滌○陽○故○業○胤○絕○天○壤○諸○臣○式○微○之○嗣○聖○朝○賔○勞
之○地○也○

前題

徐孚遠

王者杖順屈策莫不用功德之臣以興至于褒表英符申丹書之約臣主之分定矣然而寵墮猜積掩于密網覽其終始可得言焉雄俊之帥畧地自王裁以帝制踰越難御非平世之準則也若乃割邑戶之賞賜西北之第勢非震主跡多倫輩開塞之議無所措心矣然或脫釋旌旄還持鈞軸事寄所在浸成難易劉氏中絕平勃之徒握符虛館以迎太宗假使居中搖足援立幼稚卽盤宗牙峙不救滔天之烈也勢之所寄雖踈必重斯亦明哲之

所回慮矣自是而降其防愈篤兵休無事倚治吏職讓還將軍之號寵秩朝請之班恩信鮮部曲之敬朝會絕公卿之議雖復捋鬚握手縱情權笑不過道故從容期于盡齒而已崇替之迹匪一要非天下所以安危也何者精華已竭置之散地今實旣輕昔望自損斯英主安其無爲當途結其讒隙也高皇帝總率雄又芟夷區服天下畧平遂列三等以圖諸將之功元臣宿帥開國上公數人而已其餘以次受籍各有差皆發自天慮第其高下

一制已定。御史無煩其省錄。閣道不聞其聚語也。若乃裂土無非常之號。封邑罕真食之戶。列邸京師。不過一夫之勢。印給綿錢。薄于鄉亭之侯。顧瞻非有可憚人主。無所利之。卽高皇帝之深計。豈不欲扶絕繼微。世世保其茅社。然而豐繇二豎。誑誤連類。微嫵自引。殃及苗裔者。不可勝言。至于末年。勛臣之有後者。殆不能十一也。昔者漢祖酷烈。高功醞菹。然皆地強勢逼人。思自帝加以去就。輕險本非歲寒之臣。卽事所裁。或出權道。至于蕭

曹親信及侯者百餘。並藏錄宗廟。爰及子孫。若我高皇帝起自布衣。群力輻湊。君臣之契。昭然不渝。中立之勢。有異彭王。問行來歸。不同棄楚。况乃分師之帥。出自帳中。下齊之謀。非繇間請。雖則比功。上列至于印參神契。發傑人之嘆者。未之庶幾也。然而天業艱難。防檢篤慎。斷于小忍。以奠維安。斯則所全者大。聖祖之淵度哉。予又觀高皇帝悼恤死事之臣。巍巍無量。超踰等級。至定功受封。報亦不細矣。因事失侯。乃汲汲于元封之代。恩結

王者杖順屈策莫不用功德之臣以興至于褒表
 英符申丹書之約臣主之分定矣然而寵墮猜積
 掩于密網覽其終始可得言焉雄俊之帥畧地自
 王裁以帝制踰越難御非平世之準則也若乃割
 邑戶之賞賜西北之第勢非震主跡多倫輩開塞
 之議無所措心矣然或脫釋旌旄還持鈞軸事寄
 所在浸成難易劉氏中絕平勃之徒握符虛館以
 迎太宗假使居中播足援立幼稚卽盤宗牙峙不
 救滔天之烈也勢之所寄雖踈必重斯亦明哲之

所回慮矣自是而降其防愈篤兵休無事倚治吏
 職讓還將軍之號寵秩朝請之班恩信鮮部曲之
 敬朝會絕公卿之議雖復捋鬚握手縱情權笑不
 過道故從容期于盡齒而已崇替之迹匪一要非
 天下所以安危也何者精華已竭置之散地今實
 既輕昔望自損斯英主安其無為當途結其讒隙
 也高皇帝總率雄又芟夷區服天下畧平遂列
 三等以圖諸將之功元臣宿帥開國上公數人而
 已其餘以次受籍各有差皆發自天慮第其高下

一制已定。御史無煩其省錄。閣道不聞其聚語也。若乃裂土無非常之號。封邑罕真食之戶。列邸京師。不過一夫之勢。印給綿錢。薄于鄉亭之侯。顧瞻非有可憚人主。無所利之。卽高皇帝之深計。豈不欲扶絕繼微。世世保其茅社。然而釁繇二豎。誑誤連類。微嫌自引。殃及苗裔者。不可勝言。至于末年。勛臣之有後者。殆不能十一也。昔者漢祖酷烈。高功醞菹。然皆地強勢逼人。思自帝加以去就。輕險本非歲寒之臣。卽事所裁。或出權道。至于蕭

曹親信及族者百餘。並藏錄宗廟。爰及子孫。若我高皇帝起自布衣。群力輻湊。君臣之契。昭然不渝。中立之勢。有異彭王。問行來歸。不同棄楚。况乃分師之帥。出自帳中。下齊之謀。非繇間請。雖則比功。上列至于印參神契。發傑人之嘆者。未之庶幾也。然而天業艱難。防檢篤慎。斷于小忍。以奠維安。斯則所全者大。聖祖之淵度。哉予又觀高皇帝悼恤死事之臣。巍巍無量。超踰等級。至定功受封。報亦不細矣。因事失侯。乃汲汲于元封之代。恩結

于念死猜深于慮生斯理勢之所不兼也况諸王
 握兵少主在御中外輕重不出一家假使他人間
 之權移望族貽厥之道寧可然乎若乃世宗之繼
 絕世昭前功偉哉章于先世矣雖不能盡然尤烈
 可考此蓋昔人所嘆息也

前題

李雯

功臣之封自有昔尚矣皆其奮猷抗戈乘雲雷之
 時高勲世秩受景風之典苟非業從內禪恩繇私
 結則扶運之跡豈云眇焉者乎然而英猷暫建不

若宗封龜鼎既綏頗加繩剪雖曰寡恩良有深慮
 或同起布衣或偕托南面一朝俯首權事相就事
 定之後勝算猜于雄心驚氣增其往釁繼體無百
 戰之威頡頏非少主之利功伐所極誅醢係之矣
 若夫光武春陵之貴宗唐文成紀之世胄資異素
 族智畧內總應天下之樂推群英早知成主是故
 逆節用寡而兔死之譏不作也高皇帝建中原
 之絕業滌胡醜之沉類諸臣之功近古莫並即位
 之初建以三等用再錫封所稱十公四十三侯二

伯者內參神明之謀外奏俘馘之效發于事會風起雲湧憑義以濟金鐵爲盟雖序列京師寄非青社秉鉞授律樂無馬女語其優寵豈有間乎跡夫諸臣之初皆拔自闕茸畜之見子功名繇吾而成死命制乎在握非夫降王擅將意行自如享大國之雄資足以恢其羽翰者也然而終始之契周于六王夷赤之慘興自二豎固順逆異軌而聽議之途絕也夫士方其裹血決戰知創圖之艱列茅錫符有傳世之業非曰巨凶能無長慮而武人不學

註誤爲殃原其所繇良足悲矣開國之君蓋多弘度方其首事叱怒不及深讐及乎終嫵大功或以殄墜何則招俊雄者坦其心截逆萌者崇其制不然以高皇帝之賢豈忘帷蓋之施而蹈烏啄之論耶若夫生則蒙恩死或廢嗣再傳之後湮替爲期又不可得而知也然而元勳世祀異鄴康之三績誓王內恕憫庭堅之忽諸搜自愍隸紹以號榮雖慶施未均可謂厚矣國家封爵與漢少異漢不吝大封而小爵不嗣一言之合或賜千戶公乘之

屬但為散官故謀臣猛夫攘手抃足衛霍之事不足難也。太祖之制徹侯不可多倖世澤下及百夫大者以事而得誅小者安謹而愈衍傳之後世而邊塞無封石之功廢弁盈大萬之數匪徒濫其赤芾又從而為之螟螣也可不為大裁乎。今序其封次覽厥廢興絕冗修墜當有所待也。

前題

王元玄

范曄有言恩非已結而權已先之情疎禮重而枉性圖之蓋人臣盈極之禍自斯積也悲夫後世之

士策勛兵爭之際犯鋒刃棄身體以成人一旦之責豈不欲功勒天宗慶永苗裔哉然固有勢會或恩已深矣而權不長或情非疎矣而釁以起。通權絳灌夕泣黥彭汗馬未乾鐵書已毀其非命也耶。回視曩者世宗奠辟猶興麥飯之嗟藝祖開基不。明海物之誑豈樹首功者必有過亢之災中道家。之忌乎哉夫隆墀植物表喬枝者非一章巨海湧。鱗附神龍者以千數何則茂氣所動莫不熾耀也。若夫再種之地其草不肥十日之風莫能振縞斯。

則力廢于舉重之餘。聲喑于咤呵之後。雖使韓彭南面。逮乎惠文。不過病卧里門。歛歔盡齒。欲如嚮者。拓弓激矢。志舉天從。吾知其無能為矣。嗚呼三代而下。成功之士。多以是疑于其君。全廢各繇于其術焉。然亦有時哉。高皇帝蒼徒步。驅全胡濠泗之間。武傑蠶起。協命畢謀。遂以定天下。始為三等爵。天盟廟錫。永世為期。嗚呼。其亦盛已。洎乎異日。計相逾于囚蕭。雄帥陰于醢越。藍胡之敗。存歿是引。南陽故人。形圖魍蜮。東第諸侯。名編臬籍。昔

人有言。聖主即欲包荒。法吏致其深抵。不其然乎。原夫皇祖之意。徒以春秋既高。太孫尚幼。去此快快。用綏末命。然而始以一青之繩。終垂十世之議。金甕屢將于私里。丹書絕誓於子侯。報短功長古。以為悼至。乃靖難興戈。老成徂喪。得關據藩者。非無徹侯。世將之子。而望實不敵。國步家聲。同時殄悴。始圖貽厥。究則驅除天人之際。固靡得而言也。

前題

彭賓

嘗覽君臣之際未嘗不三嘆也。時不智侷開英囿。藉或襲世慶。推算徃成。身匪繫于安危。名亦置於閒散。漸翼不舉。孰扇暉章。斯豪傑有意之士。耽眊風雲。颺心天業也。若乃披闥真主。投策明時。義形指撝。手扶龜鼎。至于勞苦功高。頗安重寄矣。詎復循涯知反。過蓄憂疑者乎。然而推其終始。厥有可言。雖不盡然。然得卒享無患。誠難。方戰爭伊始。挫銳角於後先。群雄是不一姓。論世則均。非皇肖驗。數則各應苞符。一旦天物在握。一彼一此。曩時之

位號同稱。今日之丹書異等。雖景鍾不朽。盟誓常存。而猜間生于不聊。闊絕成其鞅。望勢有積重禍。亦隨之原。其所繇。雖曰難與共安。弘人之度。缺焉要時。命使然也。高皇帝起徒步。躡蹠偽號。掃滌胡腥。天下既定。遂列三等。凡十公。四十三侯。二伯。咸定自睿算。差次高下。當是之時。諸臣皆從。高帝定天下。托心帷幄。來歸握手。豈若強宗貴姓。就降非志。不則勝國之胤。感念存亡。期于羈之。豢畜勿令。織鱗得水。哉。雖食邑不踰于萬戶。邸第僅齊。

于富室而前貴不絕。今寵斯繼固其所矣。夫臣主分定。明濟爲安。寧有身投龍穴。輒望鴟張者。然而持盈之戒。人情每難。二豎孽生。誅夷接踵。嗚呼。脫貂入市。謀士所以寒心。麾袂褰旗。亦真主爲之動色。心悅着鞭。殊禮不弛于功。首恩同帷。蓋猜情自覆于禍。終夫位極人臣。宜來召平之弔。業隆磐石。又慮蒯通之謀。斯亦理勢所不兼者也。設使防疎小恩。禍成震主。及身不戒。易世變生。是則開國之主。厥有遠圖。迄于今田齊之篡。無聞。晉鄭之禍。不

作此亦我明長世之道也。

皇明成祖功臣年表敘

陳子龍

若夫宗英攝會。運移天業者。方之開物。斯有間矣。建武奮功。事同徒步。內向之舉。多於季朝。執瑕肘腋。則寄謀賤。豎擁勢上流。則屬功朝。貴要之幾。事之用多端。而戰克之勲。每絀也。文皇帝擁燕山。一旅之師。掠沿邊數郡之卒。劫驅藩衛。雜用華戎。舉旗崩雲。揚鋒激電。遂能五年之間。渡大江。以清宮闕。服袞冕。而朝。高廟近古以來。未之有也。諸

將○被○不○順○之○名○居○插○足○之○勢○而○能○協○心○厲○威○襄○定○
 弘○業○戰○雖○十○數○皆○仰○攻○之○兵○擊○衆○之○舉○也○可○謂○艱○
 哉○天○子○于○是○卽○位○之○二○月○開○明○堂○列○群○后○論○功○次○
 定○爵○賞○應○景○風○之○期○厲○黃○河○之○誓○嗣○後○續○封○侯○者○
 絡○繹○過○于○高○帝○之○世○矣○建○業○若○彼○報○功○若○此○豈○
 非○皎○然○哉○獨○嘗○縱○歷○二○都○涉○覽○記○籍○蟬○冠○橫○玉○胤○
 是○從○龍○東○第○棘○門○功○多○靖○難○而○高○帝○布○衣○起○事○
 之○人○存○者○無○幾○失○其○氏○望○子○孫○死○爲○轉○屍○丘○墓○鞠○
 爲○茂○草○方○之○于○此○不○可○同○牛○而○語○矣○若○云○縱○斂○冬○

情○仁○猜○異○德○豈○淮○穎○群○英○皆○觸○網○之○夫○北○平○諸○將○
 盡○保○家○之○主○至○於○二○祖○天○衷○規○圖○各○尙○一○則○激○
 揚○選○典○舉○下○吠○堯○一○則○參○夷○奮○誅○施○及○邦○國○獨○于○
 心○膺○仁○義○相○懷○我○則○未○信○若○云○天○道○則○外○驅○腥○穢○
 微○管○之○嘆○尤○雄○內○代○神○圖○伍○被○之○謀○爲○劣○造○物○忽○
 諸○而○貪○天○保○祚○豈○特○庭○堅○嘆○于○先○賢○張○湯○疑○於○前○
 史○也○嗚○呼○本○朝○同○律○隆○替○攸○分○何○必○舊○聞○爲○之○傷○
 悼○謹○著○其○世○次○使○觀○者○得○以○慨○焉○

前題

徐孚遠

蓋夫區宇橫流。人思自奮。颺起雲委。以爭非據。斯則壯夫投足之會也。至于天物已定。割社宅宗。而能早識英主。傾身險艱。抵隙忍瑕。遂決深策。卽事而言。豈不偉哉。成祖皇帝。雄畧邁于早年。地望絕乎羣后。當璧之寄。含識如歸。而舍譽立綱。道難奪節。固已退守藩服。端拱上流。少主臨御。閔諸叔之不咸。納朝錯之至計。削制日闡。迹至燕邸。於時魏勃主兵。卽發虎符。袁覲投袂。思開黃閣。叩榻而請。納其誠心。設陛以引。無煩權說。遂乃總率彪虎。

昔者魏登廣陵。臨江不渡。晉保石頭。西師自殞。蓋攻勞守逸。而順逆之聲異也。若乃杞子起鑰。臨賀納兵。未及辨嚴。而真主濟江。朝服臨於殿上。豈非克自天授者哉。上乃閔勞。群策思閔。故土差次。功第列於開國。博矣。原夫諸將之受封也。皆以藩邸之舊。當一校之任。至于臨敵制勝。咸神算獨克。非賴奇畧。以濟顛沛。高密沈深。中分麾下。大取慷慨。

立○功○方○面○未○之○聞○也○加○以○創○慮○宗○英○物○無○二○望○虎
 據○天○邑○一○制○來○歸○非○有○韓○盧○九○起○之○勢○隴○蜀○連○王
 之○謀○振○其○芳○規○比○于○上○烈○也○食○租○冠○寵○延○慶○于○後
 國○絕○不○祀○者○鮮○矣○而○高○帝○元○臣○十○不○一○存○至○如
 穎○宋○之○徒○第○其○錄○次○不○可○同○年○道○也○然○滅○而○不○敘
 蓋○將○有○以○焉○爾○修○代○之○功○置○所○親○信○人○人○施○德○用
 自○藩○輔○何○暇○章○先○烈○掩○今○勲○哉○語○云○建○武○功○臣○克
 保○令○終○非○獨○光○武○寬○仁○亦○以○繼○奉○明○章○旨○哉○斯○言
 文○皇○帝○擅○統○之○後○上○下○一○尊○猜○嫌○絕○矣○列○聖○優○以

寬○科○世○世○休○慶○有○以○也

前題

李 震

雄○藩○襲○帝○近○古○多○有○原○夫○秉○睿○奮○揮○捷○武○其○師○未
 有○儷○于○本○朝○者○也○文○皇○帝○憫○二○叔○之○不○優○伏○幽
 冀○之○梟○勁○麾○鉞○南○指○三○年○乃○謹○辱○王○受○其○肩○齋○孺
 子○遜○於○緇○衣○苟○非○貪○天○誰○云○功○始○若○夫○操○弧○仰○射
 挽○旗○彗○天○蹀○血○千○里○降○城○數○百○豈○比○夫○代○來○乘○傳
 朱○邸○從○龍○乎○固○宜○正○義○號○功○媿○跡○太○祖○之○世○也
 依○日○月○者○易○為○光○附○龍○驥○者○速○為○遠○當○其○事○會○則

健夫剽卒有雲霧之勢矣。然而天子自將則非魏
 鄭穎宋專師獨克之勳。英銳內銷則異張陳二珍
 草昧百戰之敵。建義旗者跡謝中興。奮轅櫓者施
 于宗國。求之前哲。蓋多尾言。亦各一時之畧。又何
 論其銖鎰者乎。文皇帝亢龍首。揚霆聲。吠堯之
 族。赤夷連茹。轆釜之報。非惟羨頡而勳。臣傳世請
 室無聞者。豈雄猜之絕於所御耶。抑當璧之望震
 于群心。非復濠穎布衣之侶也。昔太祖之世。諸
 臣刻膚吮血。頭如飛葆。蓋十餘年。而後享其賜耳。

然不及易世祀等。若敖靖難之臣。假便勢藉成資。
 一朝拔起。慶衍苗緒。勤敷菑者。謝其功。驅鳥雀者。
 食其報。蓋流胤阻難。訟之勳。哲皇沛易施之澤。隆
 衰之致。曠若異代。不其然乎。今本自始封。及于末
 裔。褒序觀之。博勳泛階。絕遼東矣。
 仁宣以來。侯者年表敘。陳子龍
 夫烈風振谷。虎豹發其威。音大澤安瀾。龍螭收其
 靈舉。何則。異功不見於恬朝。貴爵難冀于平運也。
 造物之初。人難自厭。更薄卿相。本慕侯王。故大者

跨據方州。迭稱名號。雖嘗灰滅。猶矜故字。其細者
爭仰鱗翼。各依川岳。莫不欲爲異姓之貴。王建一
國之太祖。蓋其極顯窮奢。震乎群心。帝王並起。所
見者大也。泊乎王塗夷坦。世德延安。旣鮮方外之
勲。戰克之事。士亦以台司爲極榮。少化家之盛氣
矣。故曰少所見多所怪也。明興高文二朝。侯
者數百。仁宣之後。寂寥間出。豈智勇則殊。固時
勢異哉。夫二百餘年之間。大開封賞。奪門而已。此
其事在蕭牆。人同私卒。取瑕俄頃。勢均廢立。非有

英姿茂功。可榮史牒者也。其他殘虜。非劉石之雄。
叛藩無吳楚之勢。蠻貊荒服。白馬潢池。各有破誅。
皆非勁敵。乃知漢貂零落。非多不賞之功。楚印摩
娑。豈盡數奇之士也。繇是觀之。遐勲於樂。有遜前
朝。累葉嘉平。無踰聖代矣。夫唐震漁陽。李郭裂
郡。宋播江表。張韓開府。不當天物之頻危。豈膺人
爵之至貴。苟其撫圖全盛。臣主優游。君無景風之
頒。士絕雲臺之議。太平之望。塞久安之道。得矣。若
乃狡寇啟疆。奸民伺隙。弊兼百王。威屈三世。庶幾

拔卒之時。何有通侯之賞。而規規持千石之祿。以俟塞天之勲。東第空懸。無復冠軍之號。西曹常滿。豈知孟明之收望。其捷伐四夷。救寧六宇。不其難歟。有司徒知名器之當惜。不知功業之難就。純法先朝。時移勢變矣。謹以仁宣以來。侯者列于篇覽。其鮮封。可以慨焉。

漢世宗名臣頌序

徐孚遠

大上德昭尊。必資據昇扶策。軼倫之佐。網羅宗應。酌群契。滴滴紛紛。靡得而殫紀也。夫奮矜事會。

業非天擅。附翼接勢。爭逸襲厲。適使斯輿。爨養激昂。伸氣猶將。抗手接足。剝綴區宇。當此時也。抵非常之隙。以臨天步。焱騰雲委。恣意所屬。偉哉登興之遐軌也。若乃威覃海內。湛於獨制。密勿寂寥。聖風不揚。遂巡資術。靈契屑瑟。自非貢器躡庭。擢質公府。雖復至德通潤。闕于機要。何繇咫尺。津水翺翔。禁近者哉。故好深沉者。無豐庸循次。積日敦無比數者。為大官。故曰取舍時也。漢孝武皇帝恢弘達之遠度。耀神秘之苞識。臨疑獨斷。蕩綜多端。來

幽秀于巖列嘯彪闕于房闈奇士接輩龍升鳳邁
 瞻眺天坐飛辨清邈上乃矯翼衢首參懷總要其
 次出入麗雜畫策割名光光搞搞近古之隆未足
 以論也夫上專厥猷好以槩舉當同材不並榮鬱
 沒琬琰輝麗山澤豈贍知不足時不得哉上網迫
 阨攘博舉陜堙滅吻味終老不見知非其度也武
 皇帝曼美誕放好奇安矜誇之辨壯激詭之畧開
 遠樂之迹蒐獵寓內繼巨允廸罔或遺遐黼繡庸
 飾拂濯癡垢汎汎驥駟落落飈逝于是久客澹詞

之士僦儻不次之人咸慷慨入關鱗集金馬之署
 上方裁衷英俊差定庸能便繁清密泰氣雍和遂
 乃武節振厲蕩殷包周京夏廓沛光藻衍越回思
 鄉術章燁墳素乾應塞明昭壇靈秘錄功拓迹曠
 難與配臻茲上聖之顯義也夫妙合神符得一斯
 足是以高無並說文不二望弘號炳績蔚為稱首
 若乃事資眾舉效著橫流文武隨宜咨招罔及斯
 則精通人理所歷垂勛世宗之雄畧驅扇一時炎
 景彌光者也公孫丞相有言人在患不廣大孝武

皇帝廣心浩志。割封戶如棄懸疣。起徒步而服銀
艾。人得其職。所欲必從。若此。足以見其量矣。故景
耀灼然于茲。爲盛也。今依班史所次二十餘人。爲
之頌。

前題

周立勳

自古創業基命之主。布衣握手。驅制海內。訖乎成
統。覽壹威權。用建名號。以次列封。功品定矣。雖有
魁竒雄傑之才。不因勢會。何繇得奮烈稱元佐乎。
其或因事受爵。智能顯著。然皆推察一時。羈職中

外。公侯乘用。動見摧抑也。故劬畧草昧。衆材雲構。
深謀勇氣。協于天物。其人可謂至無次矣。而其後
也。絕慮沉于岩壑。精能厄於卑散。非其時。不須人
主。亟于圖功。勲賢雜政。未遑搜逸也。數傳而後。海
內承平。庶民樂業。賢士砥志。或拔于庸保。或起自
畎畝。濟濟之群。咸在於位。豈非人主志意使然哉。
夫人才無常。萃于簡置。若木在山。惟工所度。時方
向治。世辟之家。多踰軼法度。輕失名檢。始甄拔幽
異。勤飭上理。開無窮之門。大鼓舞于天下。然後輻

奏輸懷邁于前蹟也。漢有天下。更四帝矣。世宗承之。益振其緒。向用文學。釐革制度。懋昭文武。肇域遐險。可謂盛矣。亦賴之于群臣也。何則。獨制之主。難爲伐。獨材之木。難爲營。當武帝之世。戰征不衰。用費日廣。修禮山川。考驗服歷。事遵乎三代。而迂恠恢闊之舉。又帝所極財力而求之者也。匪惟求之。又從而竟之。故拂拭奴虜。汲擢郡國賢良。文學之士。異能壹用。樹功甚美。較經術之同異。稽天時之差。合討不庭之絕軌。雅樂殊禮。鬱然登典。比于

隆古。下至方伎賦頌之流。咸竭其長。無有隱意。得人之多。未有若此之備者也。原夫甚法厚賞。有以激盪之耳。夫代不借人材。無棄術挾奇負恣瞻識。亦欲爲世資也。而側足塵埃。混跡屠販。終老而不見。何與。非得大度之主。固已束其侷儻。而潛采勿耀也。武帝健畧。巍炳求賢。如不及將率之姿。起于房闈。諷諫之規。不遺諛譎。遂乃靈符秘景。偉能廣業。絕學流風。曠典顯義。蕩殷周之束壤。稱制天表。縱想神仙。竭情土木。亦復不足爲累。誠用得其人。

也。不然。駕馭違方。細大失務。令琬琰之徒。提戈而
四出。縱彪鬪于殿陛。卽貢噐比肩。軼倫接踵。亦何
以憑構廣大乎。故漢之得人于武爲盛。因舊史所
載而各系之以頌。

前題

彭賓

夫天意察疎。誕材斯縱。王度希闊。取士無羈。蓋涸
水。多因鱗拘。樊無矯翼。此蓄異期于遐。征扇美細
於適會也。若乃資噐量規。儒謹短馭。度庸惟詎。持
方取則斯。又促節爲安。慎簡不失者矣。夫執卑者

難與集。散力緩者難與策。雄以人主。擅尊高之執。
拔跡授寵。須時顧盼。加以軼志。開畧排激。遐邁前
貴。方懸後賞。非薄卽奈何。駿駟失類。於通朝。龜紐
終辭於無諱哉。漢興四世。孝武開功名之門。雄爍
振盪。隆時動昌。若獵廣埜。得味無算。若網深淵。巨
細兼獲。昭禮樂之令塗。鉤天人之異數。威匝日域。
軌絕天表。可謂雄已當夫人材。托處甲冗之中。所
挾人人殊。要不出舊聞。豈其驚懷無方。謫指隱意。
洋洋然期心兼總。圖遂上慾哉。然而志能無常。因

於時會寧必詩書所傳世資允協。至于遊意不測，放心無紀，號為誕怪迂肆之事，亦各嚮風而應。如取淹習何歟？度材于山，惟人所好，昧者不顧，屈鬱老死。武帝迎輪，嘆息求人如弗及，又安可以恒格尺寸，棄置短長也？慨時賢之鼠伏，嘉盛畧之龍驤，華要為寵，羽儀丕昭。良足頌云。

幾社壬申合稿卷之十二終

幾社壬申合稿卷之十三

華亭徐鳳彩

盛翼進

陸慶曾全選

序

陰符經序

李雯

陰符經者，其源蓋出于道家者流。或曰李荃作之，或曰不然，然非所謂太公陰符也。其言簡而雜，不知所措。然大要喜言誅殺，勤稱盜賊，以為其術秘。聖人，不以告于人，故號曰陰符。嗟乎！夫聖人豈藏殺人之心，而不以告人者哉？天下傾動，賊在于內。

禍在于外。聖人者有所甚愛于中而不忍視也。乃擇精智而師。簡車馬而馳。定籌策而施。削殃滅凶。四海鳧藻。卒其所以爲德天下者。聖人曾不屑屑而道之。故曰生者陽也。聖人陰之。以厚其力。殺者陰也。聖人陽之。以平其反。蓋斷擊誅伐。其勢不能去。則以爲外事而已矣。豈本計之所出哉。他書盜賊。聖賢此書盜賊。天地然。又曰得其理者。旣安且昌。是徒易其名以趨新而寔則猶故也。今有人知父母之爲德而厭于其名。更父曰僕。更母曰妾。未能僕妾父母而徒其言之異也。母乃類是乎。今夫殺人盜賊。世之所謂小人也。故持論者往往避之。故絕口不道。然而君子必能爲殺人之言。而必爲生人之事。小人必能爲生人之言。而必爲殺人之事。爲盜賊者必不譽譽盜賊者必不爲。然則吾又以知爲是書者。非殺盜之徒也。務爲平人之論。味和勸福。苟曰無崖異者。是又未可知也。

水讓居稿序

李 雯

余少不學問。年二十少知讀書。以爲工博士家言。

取世資矜流俗如是止耳。又三年而慕古文詞學。作古文。又一年而慕詩賦。學作詩賦。始願之所及。蓋未至于此。一旦交遊諸君子。問奮其愚心。操美毫穎。目闕意奢。風尚彌厲也。雖吾友王子號多才。文詞修通。詩賦幽媚。去予蓋數人。原其始事。亦畧相等。嗟乎。才藏于胸。用之愈出。天下事。又豈不盡然耶。夫人生懷祗之間。溺秦養之樂。目不見旛旗。耳不聞檀車。當是之時。選懦藏匿。自視若處女子。耳雖野獸。叫號狂夫。嗔目駭而遁之矣。及乎天下

多事。風起雲湧。鷹揚之士。挺翼而擊。淵慮之臣。張機而決。豈有所不足者哉。用與不用。試與不試也。鑿者穿巨石。獵者搏猛虎。不知其術而震於其名。以爲非鳥獲勿勝也。知其術而爲之。茲二物者。若掇之耳。古人則又何以異。是豪傑之士。乘時大作。後世望之以爲天人。方其未至乎。是雖有智。行不能自信也。司馬遷相如揚雄之徒。文章壽天地。當其少年操觚之時。豈自度吾所著者。應何等耶。至于今日。乃知其如此矣。今天下甚大。士大夫無慮

數十萬人其間豈不有才或在吾等以上惟其溺
流狎卑自以爲古人無所望故甘心後世之嗤側
目非俗之論耳吾黨之士又安可以不自勉乎翰
墨爲勲績詞賦爲君子亦王子之所羞也

四傳合論序

陳子龍

位莫尊乎天子道莫大乎聖人二者皆可以其權
誅戮人者也天子之所誅者當矣而匹夫時推論
其所以聖人之所絕者盡矣而後之賢人又各以
已意而多爲之說是重誅再絕也然我知天子不

怒聖人不惡何則事有輕重罪有大小散然各懲
其當獲而不立條貫則事遺勢殊人且莫得舉之
矣是故戮人而有刑書紀世而有春秋皆聚天下
之惡而俟夫議之者之多也其欲夫議之者之多
者何也今夫人之嘗爲盜賊者旣伏其罪則將
而油油焉自以爲與平人無異彼其心惟恐人指
其嘗爲盜也然而人必指之者恐其久而真以爲
平人也故亂臣賊子方幸夫人之一且不我議而
忘其所以得罪可以復縱橫而無制是豈可一月

四
縱舍哉。夫上之爲辭也。簡下之爲辭也。詳苟無其
詳。則其忍毒之行。傾狡之情。靡得其考。而險賊之
人。又豈能以單辭服耶。春秋旣爲經。而傳之者。數
家各有異旨。今夏子又取而合論之。鈎情設疑。未
知於孔氏同異。然要皆疾惡斷奸。不可廢也。夫數
千百年之間。其罪旣往。而人與骨亦已朽矣。然猶
推其難見之情。而致其未盡之罰。斷斷如也。况有
當吾世而身爲盜者。望其忘而不議。豈可得哉。古
之仁聖賢君。用心固若是其嚴且亟也。士負當世

之望。而不知春秋之義。以爲緘隱養晦。以免時難。
幾何而不使盜爲平人哉。嗟乎。當塗搖濁。是非舛
謬。布衣無位之人。又退懼于威權勢力。而不敢議。
清濁齊流。順逆一致。良可憂矣。夏子身無王公貴
人之任。而亟亟乎嚴之。雖知無益。世亦有聞而畏
者。明天子在上。可舉而告矣。雖然。亂賊之生。將
無已時。曷勝誅哉。依春秋以正義徵諸家。以折獄。
若曰。彼之罪。若是久而益深也。我知今人讀夏子
之書。必有惴惴而懼者。又有悻悻而思報者。彼何

人哉彼何人哉

方扶予詩集序

陳子龍

古今所稱詩人至盛多。當其實者要鮮。夫立情於
渺冥。逸志於閒外。非可以凡近相徵也。今或厭濃
而服綺。心罔誇而行湛流。冒冒並俗。無所離擇。雖
逞輸其辭。麗比成文。要以此為詩人。被惠名而媮
質也。若夫所謂詩人者。蠲萬物之榮郁。宅潔懷遠。
去世奉之樂。超適微淡。而動安虛息。或蔬食而不
厭。散官而無競。如是居此名者。可謂當矣。然當世

王公貴人。或曰山澤之姿。即何得顯奕高大。雖咏
言玄暢。世用寡鮮。是故簡冲之士。禮俗之流。交相
譏也。余以為不然。天下士大夫。苦委不任者。豈皆
氣薄而才絀哉。欲盈恣而志腥。汚耳使澹潔而傷
世也。則孔子何以稱子淵。漢祖何以傑子房。至於
持身素脫。而厝辭淵會。雖非經世之全畧。可稱有
其本矣。又曷譏焉。余嘗持此以求天下之詩人。不
槩見中州進士。方扶予來典郡。較余從之遊。蓋其
人也。扶予以大臣子孫。少而遨遊貴王之間。弱冠

登上第。要其所遇。豈單寒儉抑者之爲乎。然而茹
淡於盛年。辭榮於禁省。托宦清散。交求岑寂。故其
爲詩也。夷曠而多思。玄越而故變。秉義寄物。涉趣
通深。蓋極詩人之雅尙者也。非性分澄淡而不違
所止。曷能有此。難強者歟。然其植已嚴重。觸物正
容。嶽嶽不苟。悅使歷大位。當紛攘。必有見者。此昔
人所以嘆剛于無慾也。嗟乎。身世眇畧。嗜欲無期。
德業不聞。底於汚辱。安得寥廓之士。與之驅導。湔
滌哉。扶予所挾者。大世且曰。詩人有不測者乎。

前題

夏允彛

詩者音聲之兆。故繇以覩時。幾尤彰彰。豈不信哉。
鄉者孝。肅之朝。時號衍溢。於時北地信陽滄
溟。瑯琊之屬。賡唱日多。求之遙深。歸于獨造。則難
言哉。然攬其音聲。有朗朗者。而新渠方公。起南陽
與瑯琊。以調合篇章。備美瑯琊。宦不驟達。卒爲國
列卿。新渠公繇。天曹郎。至少司農。履時之盛。身與
道昌。視其所作。和衍而豐。多有以也。世迄今百餘年
矣。數公之詩。受誹刺日深。工者加焉。滌蕩則可。而

其歸則織善乎陳卧子之言詩也。奇造為端，其成
雄浩，不為壯響。響則我從，故當世之精杳深峻，皆
樂有之。而益之以高激，嗚呼！此余之所望而末繇
者也。而扶予從南陽來，與卧子以稱詩合，扶予之
詩滌蕩益深，要不為織靡之響。新渠公之音律備
矣，而扶予益以自得為深，與厥祖同，而異能則
非其時為之耶？今天下勢類織束，而吾黨之飭躬
務激晦而高烈，音聲肖之，非苟而已也。掖予與世
尤潔遠，卽其詩何得不然哉？鄉者瑯琊之屬數躡

於時矣。新渠公一選為天曹郎，後亦數晦，落然考
其大凡，時名卿也。其為詩朗朗際時之昌，平流自
進，寧不爾耶？今者扶予以弱冠顯于時，或遂貴終
弗躡，然而其詩務自得，不厭危苦，將無激晦高烈
之事有待以為之耶？余與卧子之徒從而後之矣。

夏子制策序

陳子龍

天下變方起，有意當世知名之士，罔不禍敗酷於
庸衆人。非才則過，亦云遭時也。彼非有大殊絕天
下惴惴，以此相推，又當勢所去，未以或然之用而

當方危之時。卽何得不傾相繼也。故今之士。苟重
自負。當塞默無所示。俟時縱不自匿。強著書。亦當
寄言方州之外。勿及治術。囂囂耳。何得取世資。相
隨。淪胥矣。嗚呼。余將何從哉。掩形山澤。躬耒耜。
以終若身乎。不能起而爲吏。鬱鬱不得逞。奔赴焦
爛。抵觸文法。非我志也。故余于世也。嘗迂緩而無
過望。夏子者。余友也。道又小異。今讀其所著書。于
世益亟亟矣。夫商賈之謀利也。其事至微。不足道。
且以我之財。而我用之。然而得失殊者。時爲之也。

今夏子曰。如是而後。可以爲我君。如是而後。可以
爲我民。無論必不可得。卽當我意。天下能晏然而
已乎。事變倏忽。禍福無期。古之人。豈可得而論哉。
均削諸侯也。賈誼不用而安。鼂錯用而亡。德宗誅
魏博。未爲失計。憲宗伐蔡。未爲得策。士之用舍。國
家之得失。非先時之可定者。而諸葛孔明亦曰。當
操之強。以爲天下已定。然而其後變易。凡事如此。
不可逆見。故古之英雄。若是其難言之也。然則所
謂蕭曹房杜之流。將無有大過人歟。非也。當時會

之隆托跡興王計謀雖拙而人來就之身行雖汚而機則發之豈必有計先定者乎嗟夫夏子遇時其書足用矣且又何必云爾哉故夫余之迂緩而無過望於世者過望乃益深遠也

前題

李雯

夏子閱時變之數動悲聖主之獨勞作制策三十篇陳天下之畧備始審術終本憂言治有所起而亂有所歸也天下之患動于卒然者吾不知其來修主術而善御之持之堅爲之詳外者日動而

中不失其所以自治者夷盜雖橫豈率不制哉若夫根深勢積兆已屢見雖有聖人之主不能持于其後一朝柄失而天下之敗自此始此夏子之所深憂也夏子之爲是說也將行之乎哉抑言之也言之則余亦嘗言之矣行之也則夏子之論擊靡朝廷譏切在位當塗之人聞聲而畏之又何以竟。是。說。于。天。下。哉。或。夏。子。能。深。結。主。知。曠。絕。疑。間。然。後。極。論。肆。志。焉。則。又。當。紆。緩。其。聲。委。蛇。其。形。天。下。不。大。相。狂。駭。而。後。人。主。亦。雅。親。信。之。是。又。將。

斂銳削氣近柔滑者之所爲吾知夏子之有所不能也。又不然則夏子一言悟主立取卿相乃得爲其所欲爲。若范雎之于秦田千秋之于武帝以今度之。又無其事也。且使夏子持是說以進之君。又必不能獨行之。必將引援同志排斥乖異以畢其功。則天下人。以爲比周不公。挾朋黨之目以羅之。夏子又無所辭也。否則或如陳子之言。聲名之士。有怙慷好事之議。必當天下之難。而身受其敗。是又未可知也。然而夏子耗日費思。憂憂爲是者。柰

何曰。今天子愁治未循厥理。煩促鮮效。天下日震。吾愧夫遇聖人之君。直可爲之時。權通勢足。而無以真人之言告君父者也。

上巳讌集詩序

陳子龍

蓋聞永晷舒芳。景厝玄華之曉。暢和流秀。影繽韶。倩之區。披藍宇。以垂絲。掃葱鋪而薦露。潔林放。楚。晨氣柔鮮。澄澤懷娟。明風新澹。蕙心耽素。展逸葉。於溫臯。鶯羽縈歡。擲輕情於密樹。發淑藻之數滿。乘治條之四遊。襲昔捐於逝波。結幽靈於浩野。可

謂適人之清邁。尚士之娛盤矣。于其地也。則江外散方。吳中麗壤。流紆南浦。澤引滄源。畝蠹東郊。莖滋沃植。平閣掩翳。烟屢承花。綺艷浮疎。雲能覆水。循大絜之昭節。弭續魄之陳辭。色授濃綿。商遺香於春手。魂容嬋婉。搖落影於陽濱。豈必京華橫稱。士女繇來。江表好事。遊觀于是。秀侶恣心。嘉儔聯步。合芬樽而部草。選瑤席以偃流。濯媚揚暉。操素馨之涉雅。撫音激羽。屬閑止之窮清。寤侯潛鱗。驚涸觴而息泳。俯抽天芷。傍芳履而舒陰。所謂釋累。

時安情簡會者也是以東吳盛彥南國碩賓舉志標玄湛懷恢旨莫不切元景之縟洽章妍天之淡嬉三日分軫挾群雲而照野四言安矯傳曠韻之汎川續古之人瞻言知序者乎

前題

朱灝

叢條拂絃飄香作國游絲繫暑綿萋置暄耕疇纂以張薰依水珮而展毅羽開錦里鳳車舞已七盤鳥破歌城金衣轉將六變傳淑辰而同郵置遞佳氣而若騎通初光尚被朝昏新火亦除故燄于是

絡情牽景。整影亂濱。近狎遠空。忙延暇緒。懷合成
 愧。歡沸為波。瓣誤衣施。芊懦簪碧。烟鬟依約。小粧
 以。勝遠山。黛帶參差。長迴以縈。隣谷舒光。亦醉于
 玉。紅吹媚。不禁手蘭。咲披前林之翠。被蔚起情。柯
 襲隔圃之朱。綃遙生意。蒂嵐屏倚。而凝酣。風裳薄
 而牽。夢潛鱗。尚吹其喁。浪啣翅。亦咽其吟。泥遂乃
 碧。漢授箋。卓峰貽管。題分列樹。韵步來淙。浪莎迴
 文。鳴蛙角險。詞腴瘦島。律暖寒郊。卉蟲鏤肝。沙石
 耀。胄原馳。溱轡。萼未謝其言。蹊隈曲思。潭醕猶供

其別調。給賞無次。而成絕。聯欣可續。而拈排布席
 有。半天之霞。聲堪擲地。泛觴有百斛之浦。句可投
 瓢。導詩路。而如歸。延芳梁。而不斷。

前題

徐孚遠

若夫托會感流。難言直寄。措情奔悅。貴在通懷。是
 以放士矜遠。言詠暄辰。羈者傷思。留連淑令。斯則
 風物為取。暢之場。朋賞是接。密之契。上巳修禊。禮
 也。予家于吳。斯遊敷曠。遂乃帷幔蕭瑟。臨洛無期。
 賓從寂寥。會津方邈。感其若斯。茲焉引眺。綴今情

于昔歡攬幽緒于繁賞命侶勝流言適南浦於時
麗景開濟欣志湊越雲岫接勢狀若鸞舉層波委
浪望如鳶沒至於垂條屬體微颺拂席哀響發聲
美妍容與莫不搔綴逸心激助奇曠展談妙深驛
玄人我取對淹遠効懷竹栢况乎引觴激流伏洄
縈渚眺景清娛愔風遙佇餘暉麗巒畢歡伸夕斯
亦接契于冥會暢性于至致者也夫駐樂難期適
我為新抽思宣逸懿古通志如其文詠輟流何以
嘆興來者乎

前題

李 雯

蓋聞融景舒轡道思流物之前寥落在懷托寄林
濠之上洋洋柔甸物有其懽穆穆芳辰吾遊斯泳
結幽賞于良朋習散儀而與古時惟上巳爰袂南
臯其地也長林枕河高花秀岸遙瞻岑嶺卽有煙
霞近俯川原非無魚鳥洗綺幕之喧艷原其樂遊
饒竹栢之清音跡同南澗固可以寓言始藜布暢
通懷者矣夫致靜則流真人適于翔曠情來斯聚
高契動于脫羈而悲樂各思蓄氣待發幽廣岐域

觸端別通。是以蘇門之上。時聞舒嘯之聲。陳留之郊。遂有慟哭之事。所謂適會舒心。因流蹈節者也。况復塵毛遙擲。海浦騰波。觴羽參飛。玉山頽倒。雲物紛容。寫騷邁之奇旨。平流清漪。落飄激之散歡。事足感也。能無賦乎。

前題

周立勳

稷逸禮也。懷潔暢新。覽腴習麗。蕩拂抑之累情。足風流之勝氣者也。時良人遠。古事缺然。煙物羈其澄眄。觴詠廢其清嬉。安在夫志存蠲稜。與昔賢齊。

契者哉。時惟上巳。不改淑和。鮮英耀野。隱姿出閭。開平莽之宿紅。樂通堤之垂素。上國干戈。靜此佳壤。當年魚鳥。寄彼歡懷。非夫宏達之士。未諧斯會矣。乃集高朋于郊垌。踵故事于亭園。瞻望北山。留連南浦。于是時也。野縱不羈。池通足俯。祥鳥戲音。修鱗躑影。陳芳肴載。清酒新聲。徐發繼以促奏。歡宴之餘。歌詠載興。為壯事也。夫遊處不常。托言增勝。感遇無因。接賞斯適。豈必洛川簪組。乃貴笑歌。蓬水旌旃。始稱偃暇。况邑專名。秀水召滄溟。長川

奏其洪源。別汴納其清派。花堂畫廣竹。樓晚幽。密
 好矜思。嘉儔延句。草遲遲而留景。雲澹澹以棲容。
 待逸韻之流赴。成曠期之欣會者乎。古人有言。樂
 與時去。悲亦係之。揆厥所咏。良有繇也。

前題

顏開雍

若夫妍區招暮。馳暉容與之晨。淡景開和。放體清
 韶之外。攬飛晴而漾綺。草力通光。拂煙路以驅茵。
 芳塗構煖。迷水蕩聲。回原互氣。亘青圖望遠。爛期
 姿。則有握蘭濱上。帔移帷幔之間。續魄遙坻埋塵。

軫車之左。馬墮鍾阿。杯紅澗裏。莫不娛汎。暄年遐
 發。駝踰風舞。殊情並曳。山川之悅。煥衍既麗。頗索
 童女之嬉。雖羅賞心。脾彼多陳。豔而陶揚。幽契茲
 馬。宜懼凡我多士。跡拔海流。風生江甸。道袂陰吳。
 高言雪嶺。斯則續紛。郁烈過洛。襖而澄華。絲絡透
 蕤。邁齊和而臻。陳矣出國。繁絲傳妙。靡于浦會。纈
 沙含玳。抵芬馥于舟南。湍瀾徐引。岸曲低遲。迎雲
 不進。直接唇白之流。坐節方前。榜按河鯛之尾。投
 霞卮暮。沉鳳歌傾。布暢空清。送懷浩漲。良遘隆而

申密豐義舉而討波效擬雲音縮結湘體疲斟忘
 樂極寫遺難故以罄盛士之壯美抒郊容之幽漫
 矣夫頽靈易逝惠嘆勤留亭臺哀美尚睦耳而移
 聞登覽圖辭亦寓工而改貌又况侈助物之強篇
 采吟情之迥响者乎儼賦四言均為盡各

九日登高詩序

李雯

夫驚風振物高木先其播落逸思臨秋騷士倍其
 感傷是以草冷蟲吟聘望梧楸之上霜明鶴警叱
 歎星漢之下疇不淫愁橫瀆閱咏間作者乎况復

飛雁流天落英在澗時惟重九節號登高戲臺之
 側無復旌旗藥市之旁空餘腓草此古人所以寫
 懷遠海寄恨天高者也余志本澄幽家擅林石風
 生蘋渚非無放宦之洲門望鹿柴遂有求羊之徑
 招斯勝侶陟彼荒丘選物鍊懷窮涯綿視盼妖虹
 之不落碧島多濤悵青島之無期瓊臺終杳所以
 抗思眇論悲涼係之矣若乃蘿薜紫煙琪雲未卷
 芙蓉紅淚綺沼相鮮望銀浦而飛思倚桂枝而逦
 佇斯絳囊或以司契竹葉無能忘憂者也談議之

未屬以流連分手而歸各成其賦

論

擬皇明宦官列傳論

夏允彝

自古闔尹崑朝兆熒破國踵接輪隨曷可勝道哉。原夫始祖肇造淵慮微防法罔不謹而後漸零壞禍歸一轍者何也禁之以制而授之以勢制有定而勢無窮然則雖有明辟忽荒間之鮮不為中况下此者乎引覽前古流禍則均推之本朝于斯為極豈制不善哉自漢迄宋諸條闊疎故勢夷而

禍雜本朝文紀星繁有司牙制其為法也無不密于宦官則疎無不密也故災毒間發束手焦爛宦官扼中輳之權乘無制之勢即亂烏得而不劇哉觀夫西京之禍女后煽教東漢傾移葉繇常侍唐之敗亡國豈膏盲藩鎮癰潰泊乎有宋強虜憑陵童梁并盡當其播蕩咸所寒心廟社所繇墟卒非端一。本朝呂霍之熾息節鎮之權微戎夷之侵緩而二正天啟之間國統三危罔非中人為厲當此之時廟社呼吸耳即復芟去豈人謀所及臻歟

其他儼保曹汪之流。危害國本。汚血禁門。恣禍邊
 人。淫毒廟士者。又未易卒數。斯豈天運然乎。本
 朝之勢。尚利宦官者。三君臣之交絕也。內官不隸
 廷臣轄也。在內者分相柄。在外者筦將權。二重咸
 屬也。藉令武進謀成。而天聽遙杳。何以經牖闡之
 崇深。絕戶下之伏聽。若司隸雖威職不及。內賤闕
 流巧罔敢刑管。况金璫貴橫。林沐里舍者。歟。兼以
 王言在口。尊孤闡外。部訓註狡密。未能離其內間。
 卓溫凶烈。無繇絕其外逸者乎。故權衡禍亂。幾著

勢成。非遇 聖神卒難斧革也。雖然 高皇嘗厲

其禁矣。不侵外廷政。不兼文武銜。不御外臣冠服。
 數傳而卒不勝者。何也。此乃所謂制也。非勢也。

慎刑論

徐孚遠

客問主人曰。蓋聞拯世之術。辟之支柱。革俗之理。
 貴在調絃。寬猛惟時。張弛宏致。要於平憲。不必一
 途。原夫宵貌分情。奔欲流智。紀鳳之後。畫象斯垂。
 不得不假茲二柄。用秩三典。或謂危坂在馭。犇馬
 絕羈。或謂峻壑當塗。遊禽不犯。國僑鑄鼎。宓子鳴

琴宏之者人異方攸濟若以凌遲之姬歲啗焚如
 之羸年斯則徒慕所聞而不識步驟也且夫暴橫
 施于主疆凋替繇于俗敝主疆之政似雷振稿俗
 敝于下如轡斯脫流電收聲不假終日逝波縱壑
 障之實艱加以主一吏十上慢下殘使狼牧羊非
 曰優緩擁苗去莠所全者多是以大叔弛猛河濟
 有鳴鼓之驚諸葛斷巖降屨寡輸金之罰適事流
 化抑可知矣王符比數赦于罰善崔實等峻憲於
 續膏雖見格于拘文之士卽末推本要爲通方之

論也我高皇細宇斟酌天綱議獄緩死方乎繞

虹之朝慎典卹刑取則感樞之后固已人懷畫一
 治用平章然而禮樂無餘百王道盡夷冠卉服宛
 物神州式歌且舞非惟商邑雖事切憲今而情存
 蕩往或乃一肯而得嚴譴庾語而伏顯誅於時侍
 從從容不無造膝儲兩亭平多陳宏貸而聖慮
 淵穆難契名言斯蓋刑期無刑上德不德移風禁
 暴不可倉卒得也列聖損益究于平簡吏不急
 公致茲滯蠹假適體之滋膏養害身之宿疾用傾

險之瑣才。逞騏驎之奔路。此風不革。何以熙亮天
工。激揚頽運。而猶曰在寬。寔所未喻。今欲粗舉國
綱。用平輕典。將使巖城之上。趨者輟步。沸鼎之中。
貪夫息心。寔致理之鍼砭。濟厄之舟楫也。而議者
贊所習見。憚于易方。遂欲矯弱。翻于回風之穴。被
織絺于流霜之辰。不知智不周物。時不我持也。愚
竊惑焉。請論其指。主人曰。客所謂耳。聆秦缶。方使
八音撤懸。腹仰魏樞。便欲三農罷耒。不睹金石振
響。黍稷芬芳也。夫見稽綏之小怨。忘協和之大德。

嚴之新情。龔酷烈之宿釁。何我子之貪禍也。

聖人握龜圖。贊玉尺。彌諧四氣。彌縫五章。莫
不洗滌滌瑕。盪其往轍。先恩後辟。剪其亂源。將存
大戒。必用和人。是以罰金之誥。錄于衰周。刻膚之
條。息于隆漢。百王準則。可得言焉。若乃殷社燬于
履火。羸族殄于飛灰。南山暴虎。謂我驅除。東國行
人。疾其戍市。建康有壓額之誣。鄴都置鞭面之罰。
彎弓露刃。跼躄于統。萬之宮。齒劔揮刀。流離于仁
壽之殿。隳宗促祚。此旣然矣。至于穿郭覆囚。遊子

夜哭臨河決獄老母東歸溫舒釁及五宗張湯載
以一乘甚乃家入請室身絀嚴網鷹目見彈狼聲
必噬然猶杖號合歡門成例竟不活之文等下噉
葛束濕之政有甚食慈將其慘暴獨爲匪民也卽
事而論或乃虐主恣其饗心或乃急吏放其殘手
或乃凶人剪其時忌或乃倖豎盜其弱網原夫威
斷專行秦隋二氏而已若何鄧八族豈復當塗之
闕刑丁傳二陵不關郊金之寃濫洛州牧院無非
周室頑民汴水清流皆是李唐遺老雄鬚華鼎寧

我負入至有連十貂而縮國命據兩軍而睨天物
顧叱疾于風霆隕墮靡于山岳東都名士滿于黃
門之獄南牙正人俱爲中尉之囚人主以之搖手
海內莫敢伸氣無罪無辜可爲叫天踟地者矣當
此之時雖使臯蘇聽成于張引義譬湯旱之一漑
疾流之寸葦也何救炎崗之烈豈損滔天之勢哉
我高皇條例以敝吏作誥以制刑雖天憲獨決
時有不拘而法曹讞議要于清簡二十八年悉收
秘獄非法之具盪爲烟燼歸制所司可謂大宏明

允貽厥將來者也。自是以後，置察領技，還同常典。袁牟平善，不取毛鷲之名。剛達挾威，遂成卧虎之勢。原其狎習，華璫通引。右曹藉其飛語，假之長目。外有刺奸之効，內多專用之功。若使帝醉泆旬，神藉三日，興禍樹隙，不可勝言。熹皇纘服，靈契維玄。杳然汾水，似駕襄城。于是舟移大壑，珠去龍領。一則仲父曾無以喻政，在審氏人所不堪。爾乃大造威福，構扇異同。門蘭壑桂，咸用誅鋤。吉網羅鉗，非待搖觸。來索案制，不數景龍之年。裴李按事疾。

于天保之日，懷沙蹈水。同彼三閭，白首戍邊。豈惟五技，用以優老。此焉輕憲，至于名在制詔之籍。身隨勅使之車，圜以度獄。迫以飲章，積蒿鋪棘。不足為苛，懸髮籠頭。譬斯非酷，遙望廷尉之囚。如坐天上，驟彈中散之椽。猶勝人間，誰生厲階。一至于此，語其酷害，千條百品。指其枉毒，厥有數端。請陳其槩。若乃天樞暫假，寒暑頓異。蕭傳授經，恩禮衰于昔日。趙尉奉璽，嫌異起於來今。凶人據熏灼之勢，讒黨深富貴之情。於是鉤索難明之罪，指證無驗。

之詞昔之望隆畫斧此焉釁重圖形析律不必見
知推事莫非考實或虛作謝死之表或連引故縱
之文善類并命邦國殄瘁其酷一也毛玠典選吏
多挈瓶樂嶽為郎臺惟幙被雖身坐刑書而入矜
清節故乃實憎其生而虛忌其死艾席不完而謂
家多重錦乾魚不飽而謂篋有兼兩虛引安國之
金遙責淮南之賜至乃叔孫之子負薪而受執珪
之罰許允之婦據機而應中都之逋其酷二也加
以行詐已久難掩物議于是察子四出構人於牀

第之間刀棒闌門索癡于言笑之際防口監謗方
此猶疎重足一跡其事非烈至使曾母投杼之誅
釁成腹誹之誅韓子原道之篇比以妖言之律其
酷三也巨君即真之事所忌者薛鮑魏武殊禮之
加見憚者荀孔若不明示非常何以漸華人望於
是奉俎豆于禮宗行衣冠於郡國非徒規擬國陵
亦以觀察去就若乃長揖不拜之吏齒劍斬頭之
夫意氣小異即蹈嚴誅言未出口而身首已分矣
其酷四也又以將行大事必藉實力居中播足在

削外權。假使留州之餘。或足粗成軍府。豈能使攸
 之奉節于西藩。尉遲投戈于蜀鎮。是以征檄蠟來。
 嚴符雨下。深獎貪橫。峻責寬稽。修宮無名之錢。助
 軍賒死之費。莫不方艚接軫。森至雲集。其塗膏夷。
 體于官府之庭。嬰木貫索于囹圄之下。十室而九。
 其酷五也。凡此五酷。毒甚周餘。罄堯年之水。不足
 決其濁波。殫風陵之石。未能補其缺柱。自非天眷
 明德。篤生神武。烏能振已墮之皇綱。整既曷之日
 馭哉。於時六轡安和。黎情宴喜。爽鳩司律。臯陶作

士封豨之黨。放之川谷之外。拔楔之刑。按之水火
 之中。信哉。包唐轢虞之烈。漂殷蓋周之懿也。迹曩
 時慘刻之若彼。今皇清蕩之若此。斯則得失之
 効。百世可知。而吾子假申韓之小辨。論帝王之大
 體。不亦惑乎。若使政自已出。法不下侵。豈必馳驟
 方躡盛軌。善乎張廷尉之言。法者天下之平。主斷
 可以獨制。平法不可意移。明其旨趣。可謂格論矣。
 何以言之。人主之怒。似疾風之卷。羸法官之平。如
 明鏡之鑒。形主威雖重。所折者一物之力。論法雖

卑所據者百王之勢故萬乘之權屈于一臣之議也若使一下于理人主不能以意奪則折獄之吏必得其職不寃之歌方嗣于後矣

朋黨論上

李 雯

朋黨者何君子小人之分也其族既異則勢不得而同不同則必爭爭則君子必負其名以敗小人雖敗而可以復勝負其名以敗者君子之不幸也小人雖敗而復勝者君子之不斷也昔者東漢之季宦官貴盛公卿鬪并范滂張儉之徒憤志抗議

自下而切磨之義重而身輕駢首觸荼網天不祐大漢而賢士用殲故曰君子之不幸若宋之元祐小人之焰嘗息矣君子之氣嘗振矣一二十大臣上奉太后之旨下乘百姓之怨述先帝之以悔恨崩殂而明告天下誅鋤其奸人之雄尤失職快望者則其餘可以徐制之矣乃從容諷議坐生譴張驅虎豹于廣野而釋之既傷其心而不能制其命則其返而齧之也必紹聖建中之禍范純仁呂太昉為之也豈特章惇蔡卞哉嗟乎君子之勢恒不能

勝小人矣。一朝獲克，不因其瑕釁而遂忍之，使得縱去，于是挾陰鷲之心，深欲報之氣，仰視天而俯劃地，倖朝夕有變而已，得肆志焉，可畏哉！將恃靈長之慶乎？恐其以賊遺君父也。

朋黨論中

以賢治不肖，以順治逆。君子足以勝小人矣。然而不能者，有物以敗之，有物以敗之者，非自外蝕而從中央也。蓋天下君子之類寡，而小人之徒衆，爲君子者不務精其識，而務博其途，聽悅耳之淺言。

之也。寧過而與之，其名愈高，則其附愈多，其附愈多，則其濫愈甚。不肖者詭託而妄行，護功惡名滅矣。護前自諱，或挾其意以陵轅天下，于是重疑人主之心，而大來殘賊之口。小人之徒乘其後而斃之，若殺之也。已故曰：小人之黨精于小人，小人精則純，則勝君子之黨不精于君子，君子不精則離，離則敗。今天下小人有勝君子之心，而無可以爲勝之名，君子有可以勝小人之名，而又無不敗之實，則朋

黨之論恐紛紛其未有已也。

朋黨論下

漢唐以前朋黨之名恒在小人。漢唐以後朋黨之名恒在君子。然則人主將疾朋黨乎？疾之則小人受其福而君子蒙其禍；小人受其福者其初非有金石之固，一旦恐懷見破之私，意約堅而謀深，內比周而相附，外示訐激以明其公，肆爲猖狂浮游之辭，以動搖天下而疑誤人主。夫乃得安身而肆志焉。君子蒙其禍者，內不遠聲迹以自遁，外又有

所匡拂以激左右，于是爲小人者因其疑似而間之，曰是連引而升者，朋黨也；是抗詞而疏者，朋黨也。是標目而馳者，朋黨也；摘微而掩巨擊，少而聯多，飲憤吞勢，或誅或竄，而天下之亂自此始。故曰：人主不徒疾朋黨也，所疾非所黨，所黨非所疾。此天下之大患也。然則人主之術宜奈何？曰：獎廉退，誅雷同，博採兼稽，蕩蕩平平，否則黨未必可去，而徒示天下以不廣也。

江南氏族論

李雯

晉亡於宋。宋亡於齊。齊亡於梁。梁亡於陳。四代自
亡耳。江南不亡也。江南不亡者。氏族不亡也。陳氏
滅而江南亡。故曰江南之勢。氏族爲之也。晉室之
東。王氏是依。賀循顧榮爲張其翼。其後中原名族。
蟬聯江左。藉父兄之素資。緣清流以平進。服華處
腴。習爲舊準。市朝雖易。門閥無遷。當此之時。君爲
客。臣爲主人。譬之若逆旅者。然車馬日新。敝廬終
在。苟不失職。在彼猶在此也。又安以責其國士之
報乎。而當時之君。亦遂因成勢而撫之。據前資而

任之。所謂寵貴方來。而顧盼如一者。曾不下堂階。
而氏族之心安矣。氏族安而江南安。所以二百餘
年之間。內禪亟聞。外釁不授。其猶用此道也。江南
之君。起自北而因隙。忍瑕竊有。龜鼎一朝。膺樂推
之數。而天下晏如者。非德能遠。固威能遠加也。數
十貴大家者。身樂榮厚之資。世享安舒之福。曰是
不可以無所主也。度其力之足以保吾家。固吾圉。
則從而君之力。不足以保吾家。固吾圉。則從而去
之。無使他族之逼處此而已矣。安知其爲宋也。齊

也。梁也。陳也。哉。本業既安。志願亦足。既無外慕之
心。亦無內搖之勢。是故江南之君。雖忼慷發憤。馳
志中原。而不能有加于北。北國之主。狼鷲剽疾。飲
馬長江。而不能有加于南。王謝袁劉之徒。躍馬食
肉。飾羣屐。吟詩書。雍容倡樂而已。保其家聲矣。苟
非敦峻靈寶之逆。安都景慧之叛。夫誰有毀裂冠
冕。甘心戎首者哉。氏族之盛。春秋常用之矣。然位
次倫序。恩出朝廷。故有傾軋之虞。而亦有摯維之
勢。今江南各繇門慶。平流進取。羽儀成于鄉邦。聲

姿長于朝堂。是以進退繇已。散而無爭。休戚在國。
澹而不與。此其事之不同者也。然季氏擅魯。六卿
分晉。田氏篡齊。族大寵逼。則有陵上之疑。今江南
之自矜世胄。軒弁接踵者。靡不從容都雅。終守臣
節。至于篡竊自雄。又皆寒門素族。遠謝金張。是何
也。世祿之家。意高而身尊。財廣而勢足。居家善自
持。高卧而不失。爲公卿子弟。誠通明不患去。權軸
雄圖勝計。非其始願之所及也。而布衣徒步之雄。
富貴非所自。有一朝崛起。併心赴時。純縉之子。不

能與爭于事會之際。挾震主之威。天下固已拱手而承之矣。然以事實言之。為江南之天子。甚勞其禍。又不可測。為江南之貴族。甚逸而其利。又可以持久。以至危。至勞者。輸之君。以至安。至固者。奉之已。是以宋齊諸君。阻猜嫌之心。窮擊斷之威。疑宗室。戮功臣。剪除勝國。不遺餘力。至于民族。不得而議之也。蓋勢有所依。又安可以重傷其心乎。雖然。主江南者。幸而宋齊梁陳。不自門閥耳。萬一諸族特起。暫竊非據。華盛之徒。環視而起。內爭不休。根

節解散江南之士。奚待韓賀之師哉。若乃陳氏淫侈。金陵氣盡。天將大一統而授之唐。又非氏族之所能留也。

易論

陳子龍

殘社壬申合稿卷之十三終

卷十三

發著於功而名皆易之所有也

卷之十四

小樊堂

能與爭于專會之際。挾震主之威。...

幾社壬申合稿卷之十三終

賦詩留也

對金刻。原盡天祿。大一赫而赫之。...

幾社壬申合稿卷之十四

華亭杜騏徵

徐鳳彩

陸慶曾全選

論

易論

陳子龍

古之英雄。所為萬端。各殊其途。而成敗異者。非擇術之巧拙。而守之不堅。變之而不知所之也。我聞天下之道。咸備於易。及觀古之稍有見於世者。雖不學易。必有一端之合。夫乘於時而動。遇於事而發。著於功而名。皆易之所有也。蓋易之道全矣。而

不。可。以。全。用。故。雖。聖。人。若。文。王。箕。子。之。流。僅。守。其。一。卦。復。于。一。卦。之。中。守。一。爻。以。終。其。身。至。足。矣。非。其。餘。者。聖。人。不。足。以。知。之。時。有。所。不。能。勢。有。所。不。可。也。故。古。之。成。大。事。者。必。審。乎。時。勢。之。當。然。又。察。夫。已。之。所。履。于。是。得。其。一。說。而。執。之。可。以。無。患。凡。卦。之。德。雖。處。極。凶。至。于。險。而。不。至。于。殺。至。于。危。而。不。至。于。亡。其。至。於。殺。與。亡。者。每。不。在。於。守。而。在。于。變。而。易。之。為。用。又。不。可。以。不。變。其。不。可。以。不。變。何。也。事。會。所。激。幾。宜。所。化。我。無。為。而。天。下。之。勢。日。異。

不。得。不。改。其。所。以。趨。之。得。足。以。成。大。功。而。失。足。以。致。大。禍。變。之。得。失。存。乎。其。始。凡。所。謂。變。非。盡。反。其。始。也。就。其。始。之。所。執。而。遷。乎。時。之。所。至。于。是。乎。消。息。生。于。其。間。所。變。之。途。順。而。大。事。可。成。矣。若。夫。舍。乎。已。之。所。執。而。徒。從。時。為。變。消。息。必。背。而。禍。常。酷。也。久。隱。之。士。一。日。奮。揚。戰。勝。之。兵。伏。之。十。年。其。為。變。也。消。息。順。也。素。著。臣。節。無。故。睥。睨。以。威。克。敵。忽。然。消。兵。其。為。變。也。消。息。背。也。消。息。之。順。背。則。存。乎。其。始。也。自。我。論。之。執。之。失。有。二。謬。也。雜。也。變。之。失。

有一反也。謬者失時。雜者失勢。反者失幾。李膺范滂處蒙而執同人。孔融處坎而執離。刁劉處小畜而執中孚。所謂謬也。符堅處剛行。柔乾坤。秦矣。稽康內文外污。離遯亂矣。霍光當難道。安否泰。賢矣。所謂離也。宋武德在師。急於受命。變而為革。唐德宗志在震。三藩一決。變而為需。所謂反也。嗚呼。成敗之不可以論人也。久矣。審夫易之為用。又豈無說乎。能成天下之務者。愚不可也。智不可也。愚則不知其所操矣。而智者必亟亟乎。屢更其道。且以

為變化焉。夫易如藥也。能生人。亦能殺人。不知其病。數易其方。幾何而不死哉。

前題

夏允彝

所貴乎聖人之言者。教天下以正。而不以利害回惑也。唯有利勿趨。害焉勿以奪。惟其是。故動無惑。亂而當世。稱之為賢人。然而易也者。吉凶之書也。其言曰。如是者吉。爾為之。如是則凶。爾勿為。如是吉凶半。爾其慎。雖然。有小人而吉。君子而凶者矣。有貞而凶。貞而吝。貞而厲者矣。夫天下之趨利而

三
避○害○也○甚○于○樂○是○而○醜○非○聖○人○又○以○其○說○開○之○擾
擾○安○得○止○哉○嗚○呼○此○聖○人○之○不○得○已○而○務○以○其○說
勝○天○下○者○也○吾○見○聖○人○之○處○世○而○不○免○于○利○與○害
也○未○有○以○異○于○世○之○人○也○然○而○聖○人○必○爲○之○說○曰
其○吉○也○吾○知○其○所○以○得○其○凶○也○吾○知○其○所○以○失○已
吉○而○已○凶○矣○吾○烏○知○不○知○者○之○不○愈○于○知○之○耶○聖
人○曰○吾○知○也○吾○樂○也○樂○天○知○命○故○不○憂○然○則○聖○人
之○用○易○以○高○天○下○者○無○他○能○無○憂○而○已○矣○夫○易○之
爲○說○窮○探○索○極○鉤○致○告○以○吉○凶○之○所○未○然○故○將○以

回○天○而○衡○命○也○若○夫○知○而○安○之○安○所○事○易○聖○人○曰
吉○凶○所○同○也○樂○所○獨○也○作○易○者○憂○患○之○聖○人○也○然
而○能○無○改○于○其○樂○故○天○下○終○無○以○苦○聖○人○舉○天○下
而○無○以○苦○聖○人○故○沒○沒○於○吉○凶○之○間○而○不○免○爲○尋
常○無○聞○之○人○終○不○若○勉○而○至○於○聖○人○之○道○嘗○觀○老
莊○之○學○齊○得○喪○一○歿○生○其○道○至○樂○也○然○唯○務○爲○不
知○以○忘○之○故○其○樂○也○蕩○佚○不○反○而○釋○天○下○于○無○爲
聖○人○之○道○務○知○之○而○有○以○爲○之○故○其○樂○與○彼○同○而
盛○德○大○業○日○起○于○其○間○天○下○而○可○以○終○無○爲○也○則

所謂乾坤毀而天地可以息也。乾坤其未可毀也。陰陽其未可息也。則聖人之言終勝。嗚呼！日用不知而無失其百姓則亦已矣。盛德大業奚爲哉！此又聖人之不得已而務以其道高天下者也不得已者何。天地立而人事無能或息。故夫聖人之樂者終聖人之憂也。

其二

易之爲說幽乎。曰唯其顯。吾見夫初則養之。介則危。中則安。極則反。易之爲卦六十有四。其爲變也。

無窮而卒未有出于是者也。然聖人務深其義。錯其辭。示天下以難測之端。而舉神明之號。歸之則何故也。曰此失位之聖人。務以此動天下而樂乎其教者也。舉萬物之情。萬事之變。而終無出乎吾之所言。故吾之言終不可以不從。今夫人事之所憧憧者。無他。富貴貧賤。吉凶生歿而已矣。然富貴貧賤顯而近。吉凶生歿隱而遠。聖人無富人。貴人。貧人。賤人之權。而徒舉吉凶之詞。告人欲其懼。而從我。不亦難哉。唯舉天下之物。皆能極其情與狀。

而○言○其○得○與○失○故○天○下○知○聖○人○之○言○如○是○其○能○利○
 我○也○故○雖○有○放○棄○先○王○之○教○者○舉○天○下○之○籍○焚○去○
 之○而○易○之○為○言○終○不○可○廢○蓋○其○言○曰○何○以○聚○人○曰○
 財○崇○高○莫○大○乎○富○貴○備○物○致○用○立○成○器○以○為○天○下○
 利○莫○大○乎○聖○人○然○則○聖○人○之○言○其○誰○不○樂○而○趨○之○
 也○哉○有○父○教○其○子○而○曰○爾○務○順○志○而○承○教○天○道○將○
 爾○賜○子○未○必○順○也○曰○爾○毋○忽○吾○言○而○戾○吾○道○吾○將○
 授○爾○以○其○業○則○子○之○順○之○也○必○速○守○之○也○必○堅○授○
 人○以○千○金○之○產○而○曰○終○身○勿○吾○遺○則○始○甚○樂○而○終○

必○忘○教○人○以○術○而○曰○如○吾○教○者○無○所○往○而○不○獲○無○
 所○圖○而○不○成○舍○是○者○必○失○則○終○其○身○神○明○之○而○毋○
 敢○出○入○聖○人○之○言○而○曰○吉○無○不○利○也○則○授○人○以○業○
 之○說○也○聖○人○不○能○以○利○利○天○下○而○曰○舉○天○下○之○男○
 女○飲○食○耒○耜○漁○佃○車○馬○交○易○而○無○出○乎○吾○之○言○也○
 則○無○往○不○獲○無○圖○不○成○之○說○也○蓋○聖○人○欲○舉○天○下○
 以○必○從○則○不○能○不○繁○其○詞○聖○人○而○猶○必○繁○其○詞○而○
 後○庶○幾○天○下○之○從○我○教○天○下○者○難○哉○

前題

周立勳

夫上下之位有常也。乘之者豈有常哉。吾觀易之為書。尊陽抑陰。陽宜上。陰宜下。然而剛柔雜居。進退互勝。陽不徒吉。陰不獨凶。義盡於乾坤矣。乾以陽為其德。而九五則其位也。坤以陰為其德。而六二則其位也。此易之定分也。相推而變化生焉。於是有陽失德而隣于下位。陰進德而次于上位者矣。聖人非惟不禁之。而反寬之。為非亂。非惟不絕之。而反嫌之。于無陽。豈其有所激。而為此教與。天下惟德與位與時而已。上古之世。無所作為。無所

患害。不知上之為樂。而下之為苦。故聖人起而王之。三者常相兼。後世險阻之事。多于福利。上常有以疑其下。下常有以逼其上。故有有德而在下位者。既若其身之不能容。又惡其時之未可起。而凜凜于存亡之際。豈其微哉。若紂與文王其事也。紂以剛而居乾。文王以柔而居坤。可謂正矣。而卒至君臣相易。變革為名。孔子感其象而傷之。曰。易之興其于此耶。蓋文王以六五之德。而守六四之戒。猶懼其不免也。故于乾之九三。危其辭。于九四。甚

其事明陰陽之繫乎德而不在乎上下之位矣吾
 觀其真主之未遇也憂愁偏側汚戢隱昧孰知其
 德者一旦振耀光顯濟世開務遂謂前此之為潛
 後此之為飛無乃聖人推測成敗爻象參錯而不
 可稽耶非也乾為陽坤為陰卦之體也卦體陽數
 之而至于陰則陽失於陰凶也卦體陰數之而至
 于陽則陰乘于陽吉也聖人明著其象而盛演其
 義深矣遠矣故陽離陰則亢之陰疑陽則許其戰
 又從而龍之可曰乾坤定位上者常上而下者顧

不得上耶後乃睹其經紀天地之物網羅鬼神之
 狀以為此聖人卜筮之書而抑知其冥鎔回互上
 下之位如此其不可測也哉

書論

周立勳

兵者治亂之具君得之制其臣臣得之制其君不
 得已而用之者非聖人之言也孔子觀古尚書深
 著其事雖以聖人為之臣苟其征伐號令得自已
 出其君不及國必亡天下從此變矣故夏衰而胤
 征商末而戡黎周遷而有文侯之命此皆以兵與

其臣而坐待其微弱者也。夏一再傳而有太康之禍。羿雖不王。實篡也。胤豈得承王命而正罪義和哉。故夏之天下未絕也。後且有興者。而孔子終之曰。威積上。其嗣雖賢。不足錄矣。紂至暴也。文王至聖也。惴惴西土。有德勿克自保。受弓矢鈇鉞之賜。加兵與國。無禁者。而殷祚以移。周至平王。犬戎難純保于晉。鄭九鼎是守。惟時念晉之功。賚之秬鬯。弓矢列為方伯。其後霸者用事。周遂以夷。王室有難。賴定諸侯。下堂及矢。終周之世無王矣。孔子蓋

傷之。故載文侯之命。而以魯秦之事繫之也。明周之東。征伐盟會。自此皆諸侯之事。不復命之周也。夫三代去古未遠。其臣皆勲德之後。又各有分土。而大權歸握。不復相制。况懷禍心。挾重威。而欲其循循禮義。安意不變。何可得哉。原夫周之興。以至德服天下。故放牛散馬。載之書。韜弓戢戈。形之頌。為後世甚盛之事。而武庚造亂。叛者數起。周公為之將。三年乃克定之。天下幾動。而後不免于弱。後世師其意。鮮不敗者。秦以力取。而銷兵甲。擾鋤矜

棘。徧。袒。呼。而。天。下。響。應。晉。既。平。吳。詔。天。下。罷。郡。縣。
兵。五。胡。起。而。中。國。爲。腥。羶。矣。夫。兵。者。利。器。歛。而。持。
之。天。下。不。可。測。故。難。犯。置。之。則。玩。玩。亦。無。所。畏。耳。
若。倒。其。柄。而。授。之。人。以。禁。人。之。不。我。刺。世。無。是。人。
也。唐。虞。再。禪。而。放。弒。遂。奮。我。不。能。必。天。下。之。賢。人。
而。讓。之。以。位。又。何。能。必。天。下。之。賢。人。之。不。我。易。哉。
故。湯。武。之。聖。得。威。則。伸。韓。彭。之。智。力。屈。始。滅。兵。可。
不。慎。歟。孔。子。刪。書。而。明。其。戒。于。三。代。之。末。蓋。亦。制。
世。之。術。云。爾。

前題

李雯

起。匹。夫。登。卿。相。天。下。駭。治。恒。強。守。繩。墨。用。度。內。天。
下。安。治。恒。弱。尚。書。所。述。堯。禹。之。畧。吾。不。深。論。商。周。
之。際。用。人。之。事。厥。有。可。言。商。之。用。人。也。濶。達。故。能。
舉。徒。步。之。士。加。之。卿。相。之。尊。心。知。其。意。豪。動。專。決。
所。據。者。夢。寐。之。事。耳。天。下。不。得。而。議。之。若。高。宗。之。
於。傳。說。是。也。當。是。之。時。豈。有。崛起。圖。大。招。致。謀。士。
若。成。湯。莘。野。文。王。渭。濱。之。事。哉。而。能。以。守。文。之。君。
行。度。外。之。事。以。震。動。乎。天。下。之。心。匹。夫。之。傑。而。得。

自致于天子則天下之精銳無所散矣故商以之
強周之用人也狹隘周召而後其所謂天子貴大
臣者非畢即毛非芮即呂非天子之懿親即大臣
之苗裔布衣微賤之士不得驟貴而廁之保傅之
列則天下之精才奇士或在夷狄或在下國雖小
國之主皆得自有其賢才而用之資其謀畧以自
強立則春秋戰國之事起矣故周以之弱三代以
下立談卿相者往往而見若范蔡李斯孔明王猛
馬周之徒一朝遇主貴極人臣極意肆志無所他

顧爲其君亦慨然而付之不少留餘以待其後所
謂及其鋒而用之興大業者固應如是矣中主者
不然其始固不能得大度之士而臣之也幸而或
遇則齷齪而計之歲月而積之方其尊高得勢已
老矣已耄矣况事久讒積衰厭又生彼又安能需
其後而享有大功者哉昔者馬周起徒步謁人主
血氣方壯太宗用之能盡其才甫五十而周沒向
使用少晚則無及已嗟乎此張嘉貞之所以動玄
宗也古之人主其得一賢士而大進之若猛獸鷲

鳥之發者豈妄也哉孔子刪書商絕微子周絕秦
誓言商不能用其才故歸之周而商滅于周周不
能用其才故資之秦而周亡于秦居天子之尊拘
尺寸之法格非常之士而可以重朝強國者依古
以來吾未知其有焉否也

前題

陳子龍

古之聖人止于一時之計而不設萬事之防事有
所相因而我無所計之也我之所爲旣已得矣則
其後可以無慮或後之人誤乎我之說雖聖人莫

能測也堯曰舜賢我傳之舜曰禹賢我傳之禹曰
啓賢我傳之如是三聖人者以爲我事畢矣舜之
傳于禹禹之傳于啓啓之傳于太康豈所能知哉
堯舜偶值乎賢賢也而舜禹皆知二主之意禹惟
偶值乎子賢也而啓又誤行其父之說故說者曰
唐虞官天下也夏家天下也孰知其始于啓哉我
何以知不始於禹也曰我於書知之聖人之舉事
苟其身之所創必務白其意于天下而多爲之說
是故堯創禪也多稱舜美若曰如是而我以天下

與之也。而舜之禪禹也。無辭。湯之創放桀也。汲汲乎求解其慙。而武王則安然而無所愧。夫與人同事。而獨受疑。深者固我創之。云爾。有天下于此。遞授者。歷三家矣。我獨舉而私之。天下豈能不疑。而我。又安可無辭哉。乃考之于書。當禹之崩。寂然授啓。而無所告于其民。其民亦不之議者。啓誠賢而天下亦未嘗疑禹之與乎子也。古者人物忠朴。上下相信。類有如此。惟啓之賢。不足以及禹。一旦見其父之與乎已也。遂慨然授之子。而不顧其賢否。

耳。故曰與子啓始也。或曰書簡殘缺。遺文逸編。不可勝數。子烏觀禹之與子無辭也。曰我于夏之所以立國。知之夫創業之君。必有數世之慮。措于不傾。况于聖人。不可謂無矣。禹蓋無意乎子之復與。其孫也。以為水土既夷。大利漸興。分土畫方。爭奪將起。世簡賢。辭足以治之。故布強。僕而不疑。變厚生而不讓。恃乎皆天下之賢人。而為之君也。至于馭臣之術。保祚之事。大概不之及矣。是以再世之後。奸傑擅命。王逐位。移更亂。三世天物中絕。皆國

本不固。主威無素所致也。不然。後世創業者。苟稱
 雄畧。貽安數世。禹以神人。不能畀其孫。豈理也哉。
 禹固無意。夫不賢之人。而為之計也。夫唐虞三代
 之事。渺畧寡稽。僅見于書。而書又殘缺。而莫得其
 詳。則論其所以治亂。以推所不見。可也。索隱雜說。
 鈞玄識緯。豈非君子不道者乎。

前題

宋存楠

上古之聖。惟于淡漠荒昧。多寄其可欲。計周于天
 下。後世為慮深隱。迨至中古。可欲之事繁興。始不

惜。冒難蒙險。以圖其濟。既則叮嚀告戒。以杜其微。
 而所謂淡漠荒昧者。舉厯其所不欲。于是愈立制。
 而口弛。愈設防。而較疎。觀之于書。知上古智而中
 古愚也。唐虞時。茅茨土堦。粗衣糲食。以天下讓。而
 不受者。惟不見可欲也。獨堯舜之有欲于天下。計
 萬世不計一世。為子孫慮甚深長。乃以揖讓陰寄
 其用。夫不類之子。傳之速禍。首開篡伐。不若以天
 下為傳器。去守之名。遠喪之實。故二帝之後。獨綿
 遠不絕。而三代之祚。征誅遞傳。其間法制。為子孫

計不憚迂勞而後先夷戮若券者何居譬之重器
 與人互市傳流善完一旦什襲秘之不以示人不
 失手于匹夫即誨致夫胠篋故天下一器二帝知
 公不可私以讓為守三王惟欲示私于公以守啓
 篡皆繇不得無可欲為欲之故也且二帝防杜之
 計先詳慎于三代逆知分之相懸者必相凌故都
 俞吁咈元首何股肱哉亦有所寄而出于此也觀
 殷周俱以臣易君而伊尹周公之聖尤不免于放
 攝之嫌則喜起之揖遜孰愈于我仇之放伐不肖

之子有令終吾君之後無獨夫其所以善後者智
 愚奚若哉嗣後秦繼周亦欲為萬世計而不能二
 世者是又變淡漠荒昧恣可欲為不能欲也秦法
 鑿三代獨君臣義更巖然起而代之者即斬揭之
 匹夫是又以天下飮天下之欲矣惟堯舜之天下
 至今存焉耳

詩論

陳子龍

稱人之美未有不喜也言人之非未有不怒也為
 人所喜未有非諛也為人所怒未有勿罪也嗚呼

三代以後文章之士不亦難乎欲稱引盛德贊宣顯人雖典頌哀雅乎即何得非諂其或慷慨陳辭訊切當世朝脫于口暮嬰其戮嗚呼當今之世其可以有言者鮮矣吾觀於詩而知古者之易易也國有賢士大夫其民未嘗不歌咏其德雖其同列相與稱道不爲比周至于幽厲之世監謗拒言可謂極亂矣而刺譏之文多於曩時亦未聞以此見法豈風俗尚醇而忌忮不作歟蓋古之君子誠心爲善而無所修飾古之小人亦誠心爲惡而不冀

善名今之君子爲善而不能必其後今之小人爲惡而不欲居其聲是以古者頌刺皆易而今者善惡難斷也且夫古之時貴有常而善可顯故不藉延譽而無所拘忌後世之人旣沾沾焉務矯聲名又况隆望所趨詆誣相加即哀嘉不爽諛難避矣人惟無所顧其身而惟務爲惡則必不顧乎其名若知其身之可以無患則雖甚惡又惡人之名之也古者是非在人不可以終欺世也故雖遇絕痛之言若曰吾旣已知之耳後世混雜日甚雖小人

有終其身倖免者矣。而獨有人焉。布其隱慝。著為文詞。其遭賊禍。不其宜乎。夫居今之世。為頌則傷其行為。為譏則殺其身。豈能復如古之詩人哉。雖然。頌可已也。事有所不獲于心。何能終鬱鬱耶。我觀于詩。雖頌皆刺也。時衰而思古之盛。王高高之美。申生民之譽。甫皆宣王之衰也。至于寄之離人。思婦。必有甚深之思。而過情之怨。甚於後世者。故曰。皆聖賢發憤之所為作也。後之儒者。則曰。忠厚又曰。居下位。不言上之非。以自文其縮。然自儒者之言。出而小人以文章殺人。也。日益甚。

前題

王元玄

古之王者。欲人臣之急其公。未有不慮其私者也。欲其臣之懋勉勤苦。自竭以應上。未有不與之歡樂諧暢。揄揚其事而進之者也。愚嘗讀詩。至于使臣行役之勞。必為之念其父母。思其室家。嗟乎。何其與人之深也。其臣之來。則與之飲酒而樂之。去則錫之典物而歌之。出則思其歸。見則慰其意。君臣之際。何其相得之歡也。夫人臣之有所私于已。

莫若使可告之于其君。君苟惟才之足任，而其所謂私者亦聽而從之，故其情可適而功可遂也。若夫臣欲東而吾故西之臣，欲南而吾故北之君，之于其臣務相勝，以不得行其私，驅之以所難為，繫之于所不樂，則其臣雖有私務相隱而不告，相隱而不告，則詭情秘計日出而欺其君，不可勝制也。嚴威之君督責之臣，赫然相臨，意不歡笑，願忠之氣阻削而退，豈復有望于其功名之際耶？而後知聖人所以通天下之情，竭其誠而用之，其術有在。

于此也。漢唐而後，事多不近古。然當時之臣，或意有所便，樂得自請為某官，或有所除受，意不便而他徙，天子不以為嫌，而其後也。至乞近而不得矣。刺史之部，天子賦詩，羣公祖道，大將出鎮，時亦如此。而其後也。至溫詔慰諭而不得矣。徒欲絕人臣之私，使不可告之君，父而陰行其意，至于罔上無等而不可按，徒峻其威，以無君臣相謹之患，而十步之內，如濶萬里，愁苦無樂，至于廢墮而不以為非。嗟乎！此古今之不相及也。

前題

朱 灝

宇宙之得立者惟此恩怨。恩怨之勢必偏而恩有時溢。怨有時沮。往往不能行其遂。即謂不性其情。不能行久。人物皆與之以聲者。使鳴其偏而非其正也。試觀八音。其為物無情。何以能鳴。夫金木土各偏其性而鳴。即生焉。以為正樂觀之五聲。惟宮從中出。而商角徵羽各居一偏。以成正音。則情無偏正。猶之樂無哀樂也。有謂風之好不淫。雅之怨不亂者。皆不性其情之說也。夫淫者循其脉而浸

漬。亂者有其萌而難整。有好怨未有不淪于淫亂。此誨情之而當時後世不能廢者。以靡蕩詬讟。自居其至非。他得尚廢。何繇焉。則好怨繁興而求其真者。古今未易數數也。周自東遷後始失樂史。當時以褒譏為諫諍。而採貢者自為緣飾。非盡出于家謠里什。則真好怨之事。篇中亦未數數也。古詩之得不廢者。以詩遂其事。今則贊頌譏刺。先以不情行詩。存無邪之思。而去詩愈遠也。譬之于烟生于火。而反受其鬱。則導情者而適以抑情。此誤于

矯偏之說也。夫君臣之際有利道。父子之際有欲道。此皆恩怨之所都。於此不務其至。天人之機息矣。然害生于恩。恩生于怨。迴環無已。宜詩之綿連。婉戀悲叱。感嘆而不能已已也。

前題

周立勳

天下之人。皆欲有言於上。而上不得聞。上不得聞。而過日積。風俗日壞。而莫之諷止。是故君臣之間。寥濶蔽塞。雖願治之主。無繇考其得失。觀其成敗。欲不至傷亂。得乎及觀乎詩。然後知聖人憂天下

之深也。歲時巡狩。通知民風。匹夫賤豎。各得歌詠。言其所傷。亦云備矣。而正人議于朝。庶民謗于野。太史以時採列國之詩。被之聲歌。以稽盛衰之所。從始無缺職也。降至幽厲。周道殘失。監謗之令興。天下自此極也。而變雅諸什。煩憂傷痛。有敵以下。所不能堪。而未常嬰顯戮。豈其時之君。失道而懷怨。其時之臣。好權而忘忌。不欲以語言之事。竟人乎。何其言之切。而不諱也。夫天下之亂。成于人主之喜。諛喜。諛則必頌。惡爲善。禱禍爲福。其勢不可

以多言多言則不能無曲直不能無曲直則善者
 思懼不善者思戒而用事之人難以久得志矣周
 之先王重憂之故述宣民情助流政化一取諸詩
 人以為歌誦之業揚厲之事而憫時憂國者得發
 其悲憤同于痛哭也嗟乎後之人主不明于詩之
 所以治世之意而制為諷諫之官以專司主過非
 是而言者謂之謗訕名為獎直臣而實以箝天下
 之口且天下事豈一二人言之能盡乎屬一二人
 之言以審治亂辨邪正則其言重其禍深不畏而

多諱其勢必不能也吾觀巷伯之憂讒而曰寺人
 孟子作為此詩南山之究亂而曰家父作誦其詞
 可謂至危激而當時不以為罪後乃有引文為怨
 望而罪至誅夷者矣古之勞人思婦懟天怨物連
 喻廣譬惟恐其言之不上聞而後乃有居言職當
 大事而默以取容者矣古今異指安在乎其能不
 傷也儒者謂詩之為教溫柔和厚宜于性情豈為
 當乎詩之頌不及身刺不避上談亂多甚辭志盛
 申後戒迹其所為蓋皆聖賢悼道嫉俗之所為作

耳故存之可以致治

禮論

陳子龍

不衣無寒乎不食無饑乎二者聖人命之而民不得不從者也鬼神來食人乎男女相悅有所患苦乎二者聖人言之而民未之或信者也夫聖人之慮萬世也詳故其制禮也不強人必從我之說而知夫後世必有從我之說者夫亦審于時勢而已聖人之禮其萬世不可易者惟衣與食與宮室也然三者又非聖人之所能爲也如使聖人之禮必

去人之衣絕人之食則亦烏覩所謂聖人不叛而去乎至于缺焉而無傷者聖人獨沾沾以爲不可廢其類不能勝數大者祭祀之道闈門之際二者迂濶而難信均也而廢興之間又各以時異豈非聖人之達權而不及汲於一時乎吾觀三代之時所以事其鬼神者至繁多矣而聖人又爲之說曰不可以不敬也且有罰于爾至于男女之欲雖君王后妃時時有所通假聖人僅爲之曰是可恥也而又無法以制之夫至迂誕罔之事何其甚嚴而

人之信之也。又如此風化之所謂大閑者。人得踰越。以爲常情。而聖人徒教之以恥。至于無恥。而聖人遂已不禁。是疑于失輕重矣。若夫後世不然。聖人所甚重者。漢孝文廢之。而天下不以爲非。聖人之所難禁者。秦始皇禁之。而天下不敢背其後。于此日以簡畧。于彼日以嚴密。若大反于於古者。何也。教無所不設。而興廢不能違時。古人於禍福之說。專而嗜慾之途。淡。福禍之說。專。故人各敬其鬼。嗜慾之途。淡。故曠然無重禁而犯之。亦不以爲大。

怪若夫後世則不然。佛老邪淫之祠。興故人之敬。鬼。甚于古。而不于其當。敬是以祭祀之道衰。息無遺。嗜慾日深。因之以相殘殺也。甚衆。其始爲至樂。而究爲至苦。故人各重其事。而秘之。是以閨門之際。其防日峻。嗚呼。此聖人之所不能強也。夫鬼神之禮。得行乎聖人之時矣。而其後乃有佛老之說。出而奪之。所不及計者也。禮之在男女者。其事尚未可知也。而聖人爲之說者。凡人不能無欲。有欲必滿。求滿一人之欲。天下將有無所之者。而亂乃

起當時惟未見其害之烈也。至于其極而人各自相戢制。不俟上禁矣。豈非因時而行自然之流歟。夫古之制禮如種植焉。其播之均也。而麥生于冬。禾生于夏。其時使之耳。如其聖人而在。有不能與而一凡人能之。遂以為今人之過于古。夫亦甚不審于時。而又曷不觀夫古之斌斌者乎。

前題

朱灝

禮非治世之具。而聖人假之者。則陽用其法。而陰得其權。人皆知禮之明。而不知其幽也。夫貴賤尊卑勞逸。禮所繇辨。而非所繇生。生之者。天地五行之理。聖人亦範于其中。知人心之必趨于此。而後外設其綱。內列其等。故從之也。順若無所因而強。為驅役。鮮不朝行夕廢矣。何則。天左地右。火上水下。金堅木華。土卑禮之象。已寓于其中。聖人自知已之權。不能強同乎俗。故必借生人者以服人。于是欲辨君臣。先尊天地。欲辨父子。先明生剋。欲辨長幼。先分節候。做休旺進退之數。立隆殺鉅細之跡。天下信而不迂。恠之者自有兩間屈伸之氣。先

起當時惟未見其害之烈也。至于其極而人各自相戢制。不俟上禁矣。豈非因時而行自然之流歟。夫古之制禮如種植焉。其播之均也。而麥生于冬。禾生于夏。其時使之耳。如其聖人而在。有不能與而一凡人能之。遂以為今人之過于古。夫亦甚不審于時。而又曷不觀夫古之斌斌者乎。

入于心始肯居難去易奉人爲君師而不之廢也。然則禮非從天地設必褻而難行是以議禮之始必先報功之典享天地祀鬼神聖人隱深其說令人載履之近窈冥之微尚懼伏罔敢踰越則顯遵其制可知聖人假兩間之氣以導人屈伸故報之者即以氣享天地而復追遠鬼神亦以一氣之相制不憚偃僂罄折以副其思慕莫非僭天地鬼神之威以迫其信從凡此高卑之氣御人而不覺人始安于煩願而禮法所始自管師蜂蟻而君臣師

鼠而爲拱揖夫聖人豈智不及而師物哉亦以天地之氣先寓于物察其末者得其本因其勢而誘之入待其入而使之隱深難出乃陰用其權也若不因天地之力而聖人欲立法以齊天下是法未行而亂接踵矣吾故曰禮信于明而尊于幽也

前題

李雯

古之聖人以文貌自尊使天下畏而服之號之曰禮聚美好之物盛爵列之觀使天下得之者貴失之者賤凡吾之所出天下必從而奉之則其權重

而○令○行○于○天○下○矣○。治○世○之○主○用○是○法○也○。而○能○審○知○
天○下○之○人○。稱○情○而○施○之○。故○當○時○之○爲○士○者○必○不○如○
其○爲○大○夫○者○也○。爲○大○夫○者○必○不○如○其○公○卿○者○也○。于○
是○天○下○之○人○。觀○其○珮○服○。覽○其○車○旗○。肅○心○消○氣○。以○爲○
非○吾○所○望○也○。則○相○與○奔○走○。匍○伏○于○其○下○。鞭○之○而○不○
敢○怒○。殺○之○而○不○敢○讐○。以○爲○彼○貴○人○。若○此○者○。固○當○耳○。
亂○世○則○不○然○。其○所○謂○公○卿○大○夫○者○。不○見○其○有○異○乎○。
人○而○一○旦○受○天○子○之○貴○。爵○玉○珮○而○象○服○。雕○輿○而○華○
施○。或○奴○隸○之○質○。可○以○爲○公○卿○。或○公○卿○而○復○爲○奴○隸○。

則○區○區○之○文○具○。不○以○鎮○天○下○之○心○矣○。于○是○布○衣○之○
士○。藐○冠○佩○之○榮○。盜○賊○之○徒○。思○金○輿○之○適○。則○向○之○所○
挾○。以○制○天○下○者○。事○牒○而○其○權○去○之○矣○。且○夫○禮○之○至○
者○。在○于○君○臣○父○子○之○間○。此○非○人○之○所○爲○。天○之○所○設○
也○。天○之○所○說○。雖○以○桀○紂○之○亂○。始○皇○之○暴○。滅○絕○毀○裂○
之○。而○不○得○其○所○以○創○制○天○下○時○爲○帝○者○。在○于○耳○目○
之○所○炫○耳○耳○目○之○所○炫○。在○于○章○服○容○觀○。光○麗○雄○盛○
之○。飾○人○君○持○是○物○也○。以○施○之○。貴○神○名○賢○。則○縻○不○震○
矣○。施○之○于○方○術○。則○笑○之○。施○之○于○商○賈○。則○鄙○之○。施○之○

于○狗○馬○則○唾○之○或○笑○或○鄙○或○唾○是○貴○者○不○貴○也○貴○者○不○貴○則○賤○者○欲○不○賤○也○貴○賤○之○際○失○而○天○下○大○壞○故○不○可○以○不○審○也○

春秋論

陳子龍

晉唐虞既衰○三代浸降○事以繁多○生民之具滋苦○才智絀矣○聖人愍人倫之參差○傷憂悔之紛錯○踵世變之更端○審安身之權道○故因往事作春秋○處世之道備矣○明是非以立其本○決嫌疑以致其用○參強弱以全其身○故曰春秋衰世之書○而聖人之

不○得○已○也○其○文○以○刺○天○下○之○奸○人○其○指○以○全○天○下○之○賢○人○天○下○之○變○何○可○勝○道○適○其○前○必○違○其○後○支○其○左○必○缺○其○右○君○與○民○時○相○間○者○也○親○與○義○時○相○害○者○也○理○與○勢○時○相○背○者○也○或○守○信○而○失○幾○或○繇○誠○而○終○保○或○行○謙○而○獲○吉○或○過○讓○而○墮○業○或○違○大○而○淪○國○或○恃○援○而○先○喪○或○專○一○而○被○譏○或○反○覆○而○稱○善○或○過○小○而○罰○重○或○淫○大○而○刺○畧○或○忠○而○不○知○義○或○孝○而○不○知○術○或○貞○而○不○知○節○或○與○暴○國○為○隣○或○與○惡○人○共○事○或○同○科○而○異○情○或○同○情○而○異○勢○或

同勢而異德。或同德而異時。條例繁多。分途別軌。故曰文成數萬。其指數千。經事常人之所繇也。權事聖人之所知也。天下而既衰矣。常事恒少。變事恒多。欲行中庸之徑。守先王之道。而無術以處之。則惡名空被也。故春秋參時勢以定是非。考小大以較曲直。準成敗以斷能否。別賢愚以分賞罰。不爲甚高之論。至正之辭。以繩諸古先之節。斯聖人之難也。凡經所言。皆聖人之道。春秋之所是。不必皆聖人之道也。其所非。不必非聖人之道也。夫凡

經皆空言。故其言若規矩之不可犯。春秋見諸行事矣。苟不通其途而廣其道。則天下無一事之當焉。自唐虞而下。天下皆可廢而不錄也。何以異於後世所謂儒者哉。孔子既老不見遇。而作春秋。更世變多矣。故於因勢之中。求全義之道。以庶幾可以自處。使天下之人各有所當。而不至于大亂。則已足矣。一爻而分數義。相同而別者。易也。一事而有數端。相似而非者。春秋也。皆孔子老而始從事焉。苟能求通於二者。處世可以無失矣。

夏論

夏允彝

天下之多事自禹始。何以然哉。處上位者日豐樂。有以生奸人之心。奇恠之端。造而不可止。惑亂所繇興也。羲黃之事。詩書所不道。吾不得而詳。請以唐虞斷之。當其時。天下茫茫。萬民巢窟。黍稷不生。獸衣鳥喙。其君坐茅土之中。口不絕咨。樸陋憂苦。安所稱人君之樂哉。禹也。平水出土。粒民之腹。天下有衣食之樂。咸禹肇也。然猶備物造禮。創制貢賦。雖珠璣怪石。球琳瑯玕之珍。海物橘柚。織縞絲

夏之飶味奇服。咸曰共。諸天子。天子曰吾有所用之。不自娛也。天下其誰信之。歟。禹以克儉聞。誠無事此。即後人恣為樂于斯焉。取罔不澹足。天下見美。奸人之尤。有不竊窺發難者哉。故傳子自禹。不相禪受。誠慮攘竊行紛紛。天下一家。庶少休息。不得已之勢也。然而傳子及孫。有扈義和。繼亂羿。羿乘之。國統再絕。何謀之暴乎。觀有扈之罪。威侮五行。羿斤斤善射。技藝事耳。詭傳其先能落日。誠怪妄不經。且不知扈所稱威侮者何等也。大率恣為

誕怪遁水滅火之屬耳。竊窺其說，肇自治水。禹以八年之促，平成天下。當其鑿龍門，填浩波，炙龍蛇之宮，蹈幽莽之區，必有神數怪術，非常所窺。然後可以驅役徒衆，排遏風雨，為天下所驚嘆。故奸人襲之，詭炫動衆，數敗而不悟也。夫禹治天下，崇九疇，曰：此非我所自為，天錫我也。顧其所言五行五事八政，皇極之說，皆理道所自然，無絕隱者推而歸諸天，非禹之智術，然乎水之下也。火之上也。豈待禹而為之說，禹之為此也。凡為稼穡言也。蓋

曰：土之必稼，必穡也。猶水之必下，而火之必上也。凡吾所為者，皆天所為也。然而曰：臣無有玉食天下之福，吾所歛而錫汝也。富強可願也。康寧考終命，以視凶惡短折，何如也。蓋其惓惓告之勤，修厥業，安厥位，分豈徒然哉。慮天下之變事，由富樂興誠難卒禁。爾然則唐虞而降，苟續禹之業者，無聖人之術，而享聖人之樂，其何日而不危也哉。

幾社壬申合稿卷之十四終